



元和郡縣圖志序



金紫光祿大夫中書侍郎同中書門下平章事兼集

賢殿大學士監脩國史上柱國趙國公臣李吉甫撰

臣聞王者建州域物土疆觀次於星躔察法於地理考中國山河之象求二儀險阻之情天漢萌而兩界分南宮正而五均欽自黃帝之方制萬國夏禹之分別九州辨方經野因人緯俗具揆一矣及秦皇并六國則罷侯而置守漢武討百蠻則窮兵而黷武雖裂為郡縣者遠過於殷周而教令之所行威懷之所服亦不越於三代失天地倫限之意非皇王尚德之仁誇志役心久而後悔由此觀之則聖

人疆理之制固不在荒遠矣吾國家肇自貞觀至於開元
兼夏商之職貢掩秦漢之文軌梯航累今九譯旣置通今
萬里然後分疆以辨之置吏以康之任所有而荒貢賦因
所宜而制名物守其要害險其走集經理之道冠乎百王
巍乎無得而稱矣易曰天險不可升地險山川邱陵王
公設險以守其國險之時用大矣哉然則聖人雖設險而
未嘗恃險施於有葡之內措於立德之中其用常存其機
不顯弛張開闢因變制權所以財成二儀統理萬物故漢
祖入關諸牧爭走金帛之夜惟蕭何收秦圖書高祖所以
知山川阨塞戶口虛實厥後受命汜水定都洛陽留侯演

委輅之謀田肯賀入關之策事關興替理切安危舉斯而
言斷可識矣伏惟

睿聖文武皇帝陛下握樞秉聖承祧立極祖世彛之衛憲
文武之程皇王之遐蹤行之必至祖宗之耿光寢而憂耀
天寶之季五途蹙艱由是陸綱解而不紐強侯傲而未肅
逮互興運盡為驅除故蜀有阻隘之夫吳有憑江之卒雖
完僅聚繕用申兵算不手足裂而異處對疆一乎海隅故
廊衛風偃朔塞砥平東西南北霖思不服臣吉甫當元聖
撫運之初從內庭視萬之削尋簡袞職仄塵台階每自循
省報然收汗謨明弼諧誠淺智之不及簿書期會亦散材

之不土久而伏思方是所効以為成當今之務樹收來之
勢則莫若版圖地利之為切也所以前上元和國記簿審
戶口之豐耗續撰元和郡縣圖志辨州域之疆理時獲省
閱或裨聰明豈欲希鄴侯之規模庶乎盡朱贛之條奏况
古今言地理者凡數千家尚古遠者或搜古而略今採謠
俗者多傳疑而失實飾州邦而叙人物因邱墓而徵鬼神
流於異端莫切根喫至于邱壤山川攻守利害本于地利
者皆略而不書將何以佐明王扼天下之吭制群生之命
收地保勢勝之利示形東壤制之端此微臣之所以精研
聖后之所宜周覽也謹上元和郡縣圖志起京兆府盡隴

各道凡四十七鎮成四十卷每鎮皆圖在篇首冠於叙事
之前并目錄兩卷摠四十二卷臣學非博聞識愧經遠馳
騫雖久漏略猶多輕瀆宸嚴退增戰越謹上

元和郡縣圖志卷第一

關內道一

京兆府雍州開元戶三十六萬二千九百九十九和戶二十四萬一千二百二

禹貢雍州之地舜置十二牧雍其一也周武王都豐鎬平

王東遷以岐鄂之地賜秦襄公至孝公始都咸陽秦蕪天

下置內史以領關中項絕滅秦分其地為三以章邯為雍

王都廢丘今興平縣是也司馬欣為塞王都櫟陽董翳為翟王都

高奴今延州金州是也謂之三秦高祖入關定三秦復并為內史

景帝分置左右內史武帝太初元年改內史為京兆尹後

與左馮翊右扶風謂之三輔其理俱在長安城中又置司

隸校尉以總之光武都洛陽以關中地置雍州尋復立三
輔魏分河西為涼州分隴右為秦州三輔仍舊屬司隸晉
初省司隸復置雍州愍帝之後劉聰石勒符捷姚萇相繼
竊據之萇孫泓為劉裕所滅東晉復置雍州及京北郡尋
為赫連勃勃所破遣子隗鍾長安號曰南臺後魏太武破
赫連昌復于長安置雍州孝武自洛陽遷長安改為京北
尹隋開皇三年自長安故城遷都龍首山即今都城是也
初隋氏營都宇文愷以朱雀街南北有六條高坡為乾卦
之象故以九二置宮殿以當帝王之居九三立百司以應
君象之教九五貴位不欲常人居之故置元都觀及興善
寺以鎮之教大明宮即望唐高宗龍朔二年所置高宗常
風痺以大內湫濕置宮于斯其地即龍首山之東麓北據
高原南府城邑每晴天霽景下視終南含元殿所居高明

尤得地勢大明東南曰廢京北尹又置雍州煬帝改為京
興慶宮元宗藩邸宅也北郡武德元年復為雍州開元元年改為京北府
謹按漢五年高祖在洛陽婁敬說曰陛下都洛陽豈欲與
周室比隆哉周之都洛以為此天下中丁仲四方納貢職
道里均有德則易以王無德則易以亡凡居此者欲令務
以德致人不欲阻險令後世驕奢也今陛下而欲比隆成
康之時為不侔矣且夫秦地被山帶河四塞以為固猝然
有急百萬衆可具因秦之故資甚美膏腴之地此所謂天
府陛下入關而都之山東雖亂秦故地可全而有也夫與
人關不搯其元拊其背未能全勝今陛下入關而都按秦

之故此亦極天下之元而拊其背也高祖問群臣群臣皆
 山東人爭言周王數百年秦二世則亡不如都周高祖疑
 未能決及留侯明言入關便即日駕西都關中六年擒韓
 信田肯賀高祖曰甚善陛下得韓信又治秦中秦形勝之
 國帶河阻山持戟百萬秦得百二馬地勢便利其以下兵
 於諸侯譬猶居高屋之上建瓴水也自漢至今當為王者
 與匠

府境東三百一十里
 南四百七十里
 東至東都八百三十五里
 東至華州一百八十里
 東南至商州二百六十五里
 南取庫谷路至金州六百八十里

西南至洋州六百三十里
 正西微北至鳳翔三百一十里
 西北至邠州三百里
 東北至方州一百五十里
 正東微北至同州二百五十里

管縣一十二

萬年 長安 昭應 三原 醴泉 奉天
 奉光 富平 雲陽 咸陽 渭南 藍田

萬年縣 赤本漢舊縣屬馮翊在今標陽縣東北三十五里
 周明帝二年分長安霸城山北等三縣始於長安城中置
 萬年縣隋開皇三年遷都改為大興縣理宜陽坊武德元
 年復為萬年乾封元年分置明堂縣理永樂坊長安三年

廢天寶七年改為咸寧乾元元年復名萬年縣

終南山在縣南五十里按經傳所說終南山一名太一亦名終南據張衡西京賦云終南太一隆窟崔萃潘岳西征賦云九峻巖薛太一龍巖面終南而背雲陽跨平原而連嶓冢然則終南太一非一山也

畢原在縣西南一十八里詩注云畢終南之道名也書云周公薨成王葬於畢是也

白鹿原在縣東二十里界謂之霸上漢文帝葬其上謂之霸陵王仲宣詩曰南登霸陵岍迴首望長安即此也

長樂坡在縣東北十二里即滄川之西岸舊名滄坂隋文

帝惠其坂名改曰長樂坂

故軟道在縣東北一十六里即秦王子嬰降沛公之處也

細柳營在縣東北三十里相傳云周亞夫屯軍處今按亞

夫所屯在咸陽縣西南二十里言在此非也

杜陵在縣東南二十里漢宣帝陵也

渭水在縣北五十里舊云北去縣五十里

灞水在縣東二十里灞橋隋開皇三年造唐隆二年仍舊所創制為二南北兩橋

樊川一名後寬水在縣南三十五里本杜陵之樊鄉漢高祖賜樊噲食邑於此

御宿川在縣南三十七里漢為離宮別館禁御人不得往來遊觀止宿其中故曰御宿

長安縣赤本秦舊縣初楚縣王封項羽為長安侯則長安久矣非始於漢但未詳所在耳及高帝五年入關復置長安縣乃取舊名以名縣也至隋開皇三年遷都長安縣移至長壽坊西南陽乾封元年分置乾封縣理懷真坊長安三年廢

龍首山在縣北一十里長六十里頭入渭水尾達樊川秦時有翼龍從南山出飲水其行道因成王山疏山為臺殿不假版築高出長安城西京賦所云疏龍首以抗殿也輔

黃岡曰營未央宮因龍首制前殿也

細柳原在縣西南三十三里別是一細柳非亞夫屯軍之所

長安故城在縣西北十三里漢舊都惠帝也按惠帝元年

正月城長安三年春發長安六百里內男女十四萬五千

人三十日罷六月發徒隸二萬人常役至五年正月發十

四萬六千人三十日乃罷九月而城成城南為南斗形城

北為北斗形周迴六十五里

太和宮在縣南五十五里終南山太和谷武德八年造貞

觀十年廢二十一年以時熟公卿重請修築于是使行作

大匠闢立德繕理焉改為翠微宮今廢而為寺

周武王宮即鎮京也在縣西北十八里自漢武帝穿昆明

池於鎬京遺址淪陷焉

秦阿房宮在縣西北十四里殿東西五百步南北五十丈

上可坐萬人下可建五丈旗表南山以為闕為複道自阿

房渡渭屬之咸陽庭中可受十萬人又置銅人十二于宮

前

漢長樂宮在縣西北十五里

漢未央宮在縣西北十四里並在長安故城中

漢建章宮在縣西二十里長安故城西太初元年柏梁臺災

越巫以厭勝之術請作建章宮為千門萬戶

桂宮在縣北十三里長安故城中漢武帝所造

柏梁臺在縣西故城中未央宮北

漸臺在未央宮西王莽死於此

神明臺在縣西北二十里長安故城西上有承露盤

漢博望苑在縣北五里武帝為太子據所立使通賓客

上林苑在縣西北一十四里周匝二百四十里相如所賦

也

酒池在長樂宮中漢武帝所作以誇羗胡飲以鉄孟重不

能舉皆低頭牛飲西征賦云酒池監于商辛追覆車而不

寤

子午關在縣南日里王莽通子午道因置此關也

新豐故城在縣東十八里漢新豐縣城也漢七年高祖以太上皇思東歸於此置縣徙豐人以寔之故曰新豐并移粉榆舊社街衢棹宇一如舊制男女老幼各知其室雖難大混放亦識其家焉

古戲亭在縣東北三十里周幽王為犬戎所逐死于戲即此也周章軍西至戲秦將章即拒破之亦此地也

周幽王陵在縣東北二十五里

秦始皇陵在縣東八里始皇即位治驪山陵役徒七十萬

人今按其陵高大而不足役七十萬人積年之功蓋以驪山水泉奔北流者故障使東西流又此土無石取大石於渭北諸山其費功力由此也

華清宮在驪山上開元十一年初置溫泉宮天寶六年改為華清宮又改造長星殿名集靈臺以祀神也

三原縣

次西度至府一百一十里

本漢池陽縣截薛山在今縣西北

六十里管秦於此山北置三原護軍以其地西有孟侯原南曰豐原北曰白鹿原後魏太武七年罷改置三原縣屬北地郡明帝孝昌三年蕭寶夤逆亂毛洪賓立義捍賊永安元年於此置北雍州洪賓為刺史亦謂之洪賓柵其故

城在縣北五十五里又割北地郡之三原縣於此置建忠
以旌其功開皇三年罷郡以縣屬雍州

高祖獻陵在縣東十五里

堯門山在縣西北三十二里

天齋原在縣西北二十五里有天齋祠

黃白坑在縣西南十五里後漢李傕亂攻天子東遷三輔

饒歟乃移保黃白城即其地也

秦西梁宮在縣西南十五里黃白城內

于謹墓在縣北十八里

醴泉縣次赤東南至府一百二十里本漢谷口縣地九峻山東仲山西

當涇水出山之處故謂之谷口涇水志云白渠者起谷口

尾入櫟陽表二百里溉田千五百餘頃曰人得其利饒歌

曰田於何所池陽谷口鄭國在前白渠起後涇水一石具

泥數斗且溉且蒸長我禾黍公食京師億萬之口謂此也

後漢及晉又為池陽縣後魏改為寧夏縣隋開皇十八年

改為醴泉縣以縣界有周醴泉宮因以為名

太宗昭陵在縣東北二十五里九峻山

肅宗建陵在縣東北十八里武符山

奉天縣次赤東南至府一百六十里光宅元年割醴泉始平好時武功
新平郡之永壽五縣置

梁山高宗天皇大帝乾陵所在因名曰奉天其山即禹貢所云壺口理梁及岐又古公亶父踰梁山至於岐下及秦立梁山宮皆此山也

秦先縣

次赤西南至府二百四十里

本秦重泉縣後魏省至孝文帝分

白水縣置南白水縣西魏改為蒲城縣本屬同州開元四年以縣西北三十里有豐山于北置睿宗橋陵改為奉光

縣隸京兆

元宗陵在縣東北二十里

惠莊太子陵在橋陵東六里

惠文太子陵在橋陵東三里並在栢城內

惠宣太子陵在橋陵東六里

富平縣

次赤西南至府一百五十里

本漢舊縣屬北地郡後魏文帝自

懷德城移于今理周閔帝于縣置中華郡武帝省郡以縣

屬馮翊開皇三年改屬雍州

中宗定陵在縣西北十五里龍泉山

代宗元陵在縣西北四十里檀山

順宗豐陵在縣東北三十三里甕金山

節愍太子陵在縣西北十五里

荆山在縣西南二十五里在岐山東禹貢云荆岐既旅是也
監池澤在縣東南二十五里周四二十里

後周文帝成陵在縣西北十五里

王翦墓在縣東北三里

司馬欣墓在縣西二十五里章邯長史降項羽封為塞王

雲陽縣次赤西南至府一百一十里本漢舊縣屬左馮翊魏司馬宣王

撫慰關中罷縣置撫夷護軍及趙王倫鎮長安復罷護軍

劉石苻姚因之魏罷護軍更于今理別置雲陽縣隋因之

武德元年分置石門縣三年于石門縣置泉州貞觀元年

廢州改石門縣為雲陽縣

德宗崇陵在縣東二十里

嵯峨山一名嵯薛山在縣東北十里東西二十五里南北

二十里山上有雲必雨常以為候

甘泉山一名磨石嶺在縣西北九十里周回六十里

車箱阪在縣西北三十八里縈紆曲折車軌纔通上阪即

平原宏敞樓觀相屬即趨甘泉宮道也

涇水在縣西南二十五里初鄭國分涇水置鄭渠後倪寬

又穿六輔渠今此縣與三原界亦通小渠猶有存者謹按

秦始皇元年韓聞秦好興事欲疲之乃使水工鄭國間說

今鑿涇水自仲山兩瓠口為渠東注洛三百餘里欲以溉

田中作而覺秦欲殺國國曰始臣為間然渠成亦秦之利

秦以為然卒使就渠既成溉澤鹵之地四萬頃畝皆一種

閏中無凶年命為鄭國渠後至漢武帝元鼎六年一百三十歲倪寬為左內史又奏請穿六輔渠以益溉鄭渠旁高印之田後十六歲趙中大夫白公又奏穿注水注渭中溉田四千餘頃人得其饒而歌之大唐永徽六年雍州長史長孫祥奏言往日鄭白渠溉田四百餘頃今為富大賈競造碾磑止溉一萬許頃於是高宗令分檢渠上碾磑皆毀撤之未幾所毀皆復廣德二年臣吉甫先臣文獻公為工部侍郎復陳其弊代宗亦命先臣拆去私碾磑七十餘所歲餘先臣出牧常州私制如初至大歷中利所及纔六千二百餘頃

漢雲陽故縣在縣西北八十里

雲陽宮即秦之林光宮漢之甘泉宮在縣西北八十里甘泉山上周圍十餘里去長安三百里望見長安城黃帝以來祭天圜丘處也齊人少翁謂武帝曰上即欲以神通宮室被服非像神之物不至乃於甘泉宮中為臺畫天地泰一諸鬼神而祭之又作栢梁銅柱承露盤仙人掌之屬帝以五月避暑于此八月乃還

通天臺在縣西北八十一里甘泉宮中高三十五丈雷雨悉在下

咸陽縣正東微南至府四十里本秦舊縣也孝公十二年於渭北城

咸陽自汧隴徙都焉秦自孝公惠文悼武昭襄莊襄王始皇胡亥並都之始皇二十六年初并天下收天下兵聚之咸陽鑄以為鐘鐻金人十二各重千石置庭中徙天下豪富於咸陽十二萬戶每破諸侯放其宮室作之咸陽北阪上以所得諸侯美人鐘鼓充之咸陽之旁二百里內宮觀二百七十土木皆被締繡宮人不移樂不改縣窮年忘歸猶不能遍至胡亥時天下叛秦漢元年秦王子嬰降漢項羽引兵西屠咸陽殺子嬰燒秦宮室火三月不滅及漢興以為涇城縣屬右扶風按秦咸陽在今縣東二十二里漢涇城縣亦理於此苻堅時改為咸陽郡後魏移咸陽縣於

涇水北今涇陽縣理是也隋開皇九年改涇陽為咸陽大業三年廢入涇陽縣城本杜郵也武德元年置白起堡二年置縣又加營築焉山南曰陽水北曰陰縣在北山之南渭水之北故曰咸陽

畢原即縣所理也左傳曰畢原鄆郇文之昭也即謂此地原南北數十里東西二三百里無山川陂湖井深五十丈亦謂之畢陌漢氏諸陵並在其上

短陰原在縣西南二十里

渭水南去縣三里

臨臯縣在縣東南二十里

長陵故城在縣東北三十里初漢徙關東豪族以秦陵邑
長陵茂陵各萬戶其餘五陵各千戶皆屬太常不隸于郡
秦蘭池宮在縣東二十五里

秦慈石門在縣東南十五里東南有閣道即阿房宮之北
門也累慈石為之著鉄甲入者慈石吸之不得過羗胡以
為神

細柳倉在縣西南二十里漢舊倉也周亞夫軍次細柳即
此是也張揖云在昆明池南恐為踈遠

棘門在縣東北十八里本秦關門也漢文帝使將軍徐厲
屯棘門謂此也

蘭池陂即秦之蘭池也在縣東二十五里初始皇引渭水
為池東西二百里南北二十里築為蓬萊山刻石為鯨魚
長二百丈始皇嘗微行過盜于蘭池見宮使武士擊殺盜
關中大索二十日

中渭橋在縣東南二十二里本名橫橋架渭水上始皇都
咸陽渭水貫都以象天漢橫橋南渡以法牽牛渭水南有
長樂宮渭水北有咸陽宮欲通二宮之間故造此橋漢末
董卓燒之魏文帝更造劉裕入關又毀之後魏重造貞觀
十年移于今州
便橋在縣西南十里架渭水上武帝建元三年初作便門

橋在長安北茂陵東去長安二十里長安城西門白便門
此橋與門相對因號便橋

白起祠在縣城中

漢長陵在縣東三十里高帝陵也

安陵漢惠帝陵也在縣東北二十里

陽陵景帝陵也在縣東四十里

平陵昭帝陵也在縣西北二十里

渭陵元帝陵也在縣西北七里

延陵成帝陵也在縣西北十三里

義陵哀帝陵也在縣北八里

康陵平帝陵也在縣西北九里

太公墓在縣東北十里

周公墓在縣北十三里

蕭何墓在縣東北三十七里

曹參墓在縣東北三十五里

張良墓在縣東北三十六里

蒙恬墓在縣西北十五里

渭南縣畿西至府一本漢新豐縣地符秦時置後魏孝明

帝亦云孝於今縣東南四里置謂南郡及南新豐縣西魏

廢帝二年改南新豐為渭南縣武德九年屬華州五年改

屬雍

倒獸山一名元象山在縣東南五十里王子年隱處也

渭水北去縣四里

酋水出縣西南石樓山北入渭

隋崇業宮在縣東十五里

秦步高宮在縣西南二十里

藍田縣畿東北至府八十里本秦孝公置按周禮玉之美者曰球其

次為藍蓋以縣出美玉故曰藍田周閔帝割京兆之藍田

又置玉山白鹿三縣置藍田郡至武帝省郡復為藍田縣

屬京兆後遂因之縣理城即峽柳城也俗亦謂之青泥城

桓溫伐符健使將軍薛琰斬青泥城破之即其處也

藍田山一名玉山一名覆車山在縣東二十八里

白鹿原在縣西六里晉桓溫伐符健督護鄧 等奮擊于

白鹿原即此地也

灞水故滋子也即秦嶺水之下流東南自商州上洛縣界

流入又西北流合澗水入渭

思鄉城在縣東南三十三里宋武帝征關中築城于此南

人思鄉因以為名

藍田關在縣東南九十里即峽關也秦趙高將兵拒峽關

沛公引兵攻峽關踰黃山擊秦軍大破之

黃山在縣東南二十五里

元和郡縣圖志卷第一終

元和郡縣圖志卷第二

關內道二

京下

興平 高平 櫟陽 涇陽 美原 華原

同官 鄠縣 藍屋 武功 好畤

華州 同州

鳳翔節度使 鳳翔府 隴州

興平縣畿東至府九十里本漢平陵縣屬右扶風魏文帝改為始

平晉武改置始平國領槐里縣歷晉至西魏敕有移易

龍二年金城公主出降吐蕃中宗送至此縣改始平縣為

金城縣至德二年改名興平

始平原在縣北十二里東西五十里南北八里入咸陽界
西入武功界

渭水南去縣二十九里

馬牧澤在縣東南二十里南北廣四里東西二十一里

百頃澤在縣西二十五里多蒲魚之利周四十六里

槐里城周四大邱秦改名廢邱周懿王所都項羽封章邯

為雍王都廢邱亦此城也

武學故城在縣東南十里

馬嵬故城在縣西北二十三里馬嵬于屯築城以避難未

詳何代人也

漢龍泉廟在縣東北二十四里武帝廟號也

漢黃山宮在縣西南三十里武帝微行西至黃山宮即此

也

章邯臺在縣東南十里

漢茂陵在縣東北十七里武帝陵也在槐里之茂鄉因以

為名守陵溉樹掃除凡五千人

漢公孫弘墓在縣東北十八里

衛青墓在縣東北十九里起冢象廬山

霍去病墓在縣東北十九里起冢象初連山

高陵縣畿西南至本秦舊縣孝公置漢屬左馮翊魏文帝改為高陸屬京兆郡大業二年復為高陵

龍躍宮在縣西十四里高祖太武皇帝龍潛舊居也武帝六年置

姚興墓在縣東南十三里

櫟陽縣畿西南至本秦舊縣獻公自雍徙居焉屬左馮翊

項羽立司馬欣為塞王亦都之按高帝既葬太上皇於櫟

陽之萬年陵遂分櫟陽置萬年縣以為陵邑理櫟陽城中

故櫟陽城亦名萬年城後漢省櫟陽入萬年後魏宣武帝

又分置廣陽縣周明帝省萬年廣陽更於長安城中別

置萬年縣廣陽仍屬馮翊郡隋開皇三年罷郡廣陽縣屬

雍州武德元年又改為櫟陽縣

莫塩澤在縣南十五里澤多鹹鹵符秦時於此煮塩周圍

二十里

清泉陂在縣西南十里多水族之利

漢太上皇陵在縣東北二十五里

涇陽縣畿南至府本秦舊縣漢屬安定郡惠帝改置地陽

縣屬左馮翊故城在今縣西北二里以其在池水之陽故

曰池陽後魏廢于今縣置咸陽郡符秦又置涇陽縣隋文

帝罷郡移涇陽縣於咸陽郡屬雍州即今縣是也

石安原在縣南七里高二十丈東西三十八里南入咸陽
縣界

平長城一本云坡在縣西南五里

涇水西北自池陽縣界流入經縣南七里又東南入高陵
縣界春秋襄公十四年諸侯伐秦濟涇而次秦人毒涇師
人多死

焦獲音數亦名瓠口爾雅十藪固有焦獲詩云獫狁匪茹
整居焦獲即謂此也按韓水工鄭國說秦令鑿涇水自仲
山西抵瓠口為渠即鄭白二渠也

秦望夷宮在縣東南八里北臨涇水以望北夷故名之故

胡亥死于此也

漢池陽宮在縣西北八里

龍泉陂在縣南三里周回六里多蒲魚之利

太白渠在縣東北十里

中白渠首受太白渠東流入高陵縣界

南白渠首受中白渠水東南流亦入高陵界

美原縣漢西南至府一百八十里秦漢頻陽之地以縣西北十一里有

頻山秦屬公子山南立縣故曰頻陽後魏別立土門縣以

頻山有二土門狀似門故曰土門大業二年省義寧二年

再置貞觀十七年又省咸亨二年復置仍改名曰美原

頻陽故城在縣西南三里秦將王翦即此縣人也

華原縣證西南去府本漢祓祠縣地屬左馮翊曹魏昏于

其地置北地郡元魏廢帝三年改為通川郡領泥陽縣

屬宣州六年改泥陽為華原縣大業二年省宣州縣屬京北

垂拱元年改為永安縣天授二年又置宜州大定元年廢

之神龍元年復為華原縣

土門山在縣東南四里

祓祠故城在縣東南一里漢縣也宣帝神雀二年鳳皇集

祓祠城是也

泥陽故縣在東南十七里

漢步亭亭在縣東北二里

同官縣畿西南至府本漢祓祠縣地屬左馮翊晉屬平陽

符秦於祓祠城東北銅官川置銅官護軍後魏太武帝改

置銅官縣屬北地郡周朝除金作此同字屬宜州大業二

年省宜州縣屬雍州國朝因之

鄠縣證東北至府本夏之扈國啟與有扈戰於甘之野地

理志古扈國有戶谷戶亭又有甘亭扈至秦改為鄠邑漢

屬右扶風自後魏屬京北後遂因之

終南山在縣東南二十里

鷄頭山在縣東南三十一里偽趙主石生不能守長安欲西

上隴士卒散盡遂入雞頭山尋為追兵所害

牛頭山在縣西南二十三里南接終南在上林苑中西京賦云繞黃山而歛牛首是也滯所自出

渭水北去縣十七里

豐水出縣東南終山南自發源北流經縣東二十八里北流入渭

龍臺澤在縣東北三十里周回二十五里

八部澤在縣東南五里周回五十里

故鄠城在縣北二里夏之扈國也

鍾宮故城一名淮鍾城在縣東北二十五里蓋始皇收天

下兵器銷為鐘鉞此或其處

馬祖壇在縣東北三十二里龍堂澤中每年太常太僕四

時祭之春祭馬祖夏祭先牧秋祭馬社冬祭馬步

隋太平宮在縣東南三十一里對太平谷因名之

隋甘泉宮在縣西南二十二里對甘泉谷因名之

周鄠宮周文王宮也在縣東三十五里詩云既伐于崇作

邑于豐是也崇侯無道文王伐之命無殺人無壞室崇人

聞之如歸父母遂虜崇侯作鄠邑崇國在秦晉之間

春黃陽宮在縣西南二十三里

美陂在縣西五里周回十四里

甘亭在縣西南五里夏啟伐有扈誓師于甘之野即此處也

盤屋縣

畿東北至府一百三十里

漢舊縣武帝置屬右扶風山曲曰盤

水曲曰屋後漢省晉復立武德三年屬稷州貞觀元年廢

稷川復屬雍州天寶中改名宜壽後復名盤屋

姜維嶺本名沉嶺在縣南五十里蜀後主延熙二十年大

將軍姜維率衆出駱谷經沉嶺即此也

望仙澤在縣東南三十五里中有龍尾堆

隋宜壽宮在縣東南三十二里

秦長楊宮在縣東南三十三里漢武帝好自擊熊羆司馬

相如使立上林上苑

秦五祚宮在縣東南三十八里

馬融讀書臺在縣東北二十七里

司竹園在縣東十五里史記曰渭川千畝竹今按園周圍

百里置監丞掌之以供國用義寧元年義師起高祖第三

女平陽公主舉兵于司竹園號娘子軍

駱谷關在縣西南一百二十里武德七年開駱谷道以通

梁州在今關北九里貞觀四年移于今所

駱谷道漢魏舊道也南通蜀漢魏少帝正始四年曹蕪伐

蜀諸軍入駱谷三百餘里不得前進牛馬驢騾一本以轉

運死略盡少帝甘露三年蜀將姜維出駱谷圍長城亦此道也

樓觀在縣東三十七里本周康王大夫尹喜宅也穆王為台幽逸之人置為道士相承至秦漢皆有道士居之晉惠帝時重置其地舊有尹先生樓因名樓觀武德初改名宗聖觀事具樓觀本記及先師傳焉

武功縣蓋東至府一百四十里漢舊縣古有邠國堯封后稷之地周平王東遷以賜秦襄公孝公作四十一縣雋美陽武功各其一也雋與邠音同字異武功蓋在渭水南今郿縣地是也按舊縣境有武功山斜谷水亦曰武功水故諸葛亮表

云遣孟瑛據武功水又杜彥遠云太白山南連武功山是則縣本以山水立名也武德三年分雍州之武功好時盤屋扶風之郿四縣于今縣理置稷州因后稷所封為名貞觀元年廢州以縣屬京兆

慶善宮在縣南十八里皇家舊宅也南臨渭水武德元年置宮貞觀六年蓋駕親幸謀群臣賦詩焉

三時原在縣西南二十里高五十丈西入扶風縣界故檿城一名武功城在縣西南二十三里古邠國也

后稷祠在縣西南二十三里

姜嫄祠在縣西南二十二里

隋文帝泰陵在縣西南二十里三時原上

好時縣畿西南至府一百八十里本漢舊縣在今縣理東南十三里故

城是也時者神明所依止也以雍州積高神明之隩故立

時以郊上帝諸神也後漢省武德二年分醴泉縣置因漢

舊名屬雍州三年改屬稷州貞觀元年廢稷州復屬雍州

二十一年于廢上宜縣置好時縣今縣理是也其上宜縣

隋開皇十八年置貞觀八年廢

華州華陰四輔開元戶三千七百八十七鄉七十二

禹貢雍州之域周為畿內之國鄭桓公始封之邑其地一

名咸林春秋時為秦晉界邑長城在州東七十二里或說

秦晉分垣祠華岳故築此城戰國時屬秦魏地理志云自

高陵已東皆魏分也按史記魏築長城自鄭濱洛今州東

南三里魏長城是也秦并天下為內史之地二漢及晉為

京北之地後魏置東雍州廢帝改為華州大業二年省華

州義寧二年置華山郡武德元年復為華州垂拱元年改

為太州避武太后祖諱神龍元年復舊

州境東西一百六十四里

八列西至上都一百八十里

東至潼關一百二十里

東至魏都六百八十里

東至魏州二百八十里
東至同州八十里
南至商州山南路二百七十里

貢賦開元

賦茯苓

絹茯苓

布細華

管縣三

鄭縣

華陰

下邳

鄭縣

望即

本秦舊縣漢屬京兆後魏置東雍州其縣移在

州西七里大業二年州廢移入州城隸屬雍州至三年以

州城屋宇江麗置太華宮縣即榷移城東四年宮廢又移

入城

古鄭縣在縣理西北三里興元二年新築羅城及古鄭城並

在羅城內

少華山在縣東南十里

華陰縣

望西至州六十五里

本魏之陰晉邑秦惠文王時魏人犀首

納之于秦二改曰寧秦漢高帝八年更名華陰屬弘農郡

後魏屬華州隋大業五年移于今理垂拱元年改曰仙掌

尋復舊名

長城在縣西春秋時晉分界處

太華山在縣南八里

永豐倉在縣北東北三十五里渭河口隋置義寧元年因倉

又置監天寶二年左在常侍兼陝州刺史韋堅開漕河自苑

西引渭水因古渠至華陰入渭引水豐倉及三門倉米以

給京師名曰廣運潭以堅為天下轉運使灞澇二水會于漕渠每夏大雨

輒皆漲大歷之後漸不通舟天寶中每歲水陸運米二百五十萬石入

關大歷後每歲水陸運米四十萬石入關

潼關在縣東北三十九里古桃林塞也春秋時晉侯使唐

嘉處瑕以守桃林之塞是也關西一里有潼水因以名關

又云河在關內南流衝激關山因謂之衝關謹按秦函谷

關在漢弘農縣即今靈寶縣西南十一里故關是也今大

路在北本非鈴束之要漢武帝元鼎三年楊僕為樓船將

軍本宜陽人今福昌縣也耻居關外上疏請以家僮七百人從

關于新安武帝從之即今新安縣東一里巫谷故關是也

而御傳所馳出于南路至後漢獻帝初平二年董卓脇帝

西幸長安出山關自此已前其關並在新安其後二十

年至建安十六年曹公破馬超于潼關則是中間徙于今

所今歷二處而至河潼上躋高隅俯視洪流盤紆陵柱實

謂天險河之北岸則風陵津北至蒲關六十餘里河山之

險遷迤相接自此相望川途曠然蓋神明之與區帝宅之

戶牖百二之固信非虛言也

下邳縣望東南至八十里本秦舊縣地理志屬京兆涇下邳秦武

公伐邾戎置以隴西有上邳故此加邳也董卓遷都長安

華歆求出為下邳令即此也後魏避道武帝諱改為夏封

大業二年復舊後魏屬馮翊隋屬華州武德元年屬同州

垂拱二年復屬華州

漢蓮勺縣故城在縣東二十二里張禹本河內人徙家蓮

勺

同州 馮翊四輔

開元戶五萬六千五百九
鄉一百二十一
元和戶四千八百六
鄉一百四十

禹貢雍州之域春秋時其地屬秦本大荔戎國秦獲之更名曰臨晉魏文侯伐秦築臨晉今朝邑西南有故城七國時屬魏始皇并天下京兆馮翊扶風並內史之地及項羽滅秦為塞國立司馬欣為塞王及漢王定三秦以為河上郡後罷為內史武帝更名左馮翊魏除左字但為馮翊

郡晉因之後魏永十三年改為同州高宗云漼沮既從澧

水攸同言二水至此同流入渭城居其地故曰同州

州境東西一百一十二里

八到 西至上都二百五十五里

東至蒲津關六十里

南至華州八十里

西北至坊州二百五十里

貢賦 開元

賦 絹 絝文吉 莫皮二十張

元和

賦 射香 麻黃 地黃 葇藶子

管縣七

馮翊 朝邑 韓城 白水 夏陽 澄城 郃陽

馮翊縣望郭本漢臨晉縣故犬戎城秦復之更名舊說秦築高壘以臨晉國故曰臨晉武帝改為大荔縣後魏改為華陰縣後以名重改為武鄉大業三年改為馮翊縣馮輔也翊佐也義取輔佐京師

沙苑一名沙阜在縣南十二里東西八十里南北三十里後魏文帝大統三年周太祖為相國與高歡戰于沙苑大破之其時太祖兵少隱伏于沙草之中以奇勝之後于兵立之處人栽一樹以表其功今樹在猶存仍於戰處立忠武寺今以其處宜六畜置沙苑監

興德宮在縣南三十二里義旗將趙京師軍次于忠武園

因置亭于此名興德宮為家令寺

朝邑縣望西至州三十五里本漢臨晉縣之地大荔國在今縣東三十步故王城是也後魏置南五泉縣西魏改為朝邑縣以此據朝坂故以為縣西南有蒲津關

河橋本秦后子奔晉造舟于河通秦晉之道今為河西縣長春宮後周武帝置大業十三年高祖起義兵自太原金於此宮休甲養士而定京邑武德二年于此置陝東大行臺太宗居藩作鎮四年山東平乃移行臺于洛州

通靈陂在縣北四里二百三十步開元初姜師度為刺史引洛水及堰黃河以灌之種稻田二千餘頃

苦甘在縣西北三十里許原下其水鹹苦羊飲之肥而美
今于泉側置羊牧故俗諺云苦泉羊浴水漿

韓城縣

上西南至二百里

古韓國及梁國漢為夏陽縣之地韓國

故城在今縣理南十八里梁國在今縣理南二十三里

有少梁故城隋文帝分郟陽于此置韓城縣春秋秦晉戰于

韓原即此地也

龍門山在縣北五十里

龍門成在縣東北極險峻後周又于此置龍門關今廢也

白水縣

望東南至州一百六十里

本漢粟邑縣之地屬左馮翊按粟邑

故城在縣理西北二十八里甘薛宣為左馮翊以粟邑縣小

僻在山中其人漢樸以頻陽令薛恭換粟邑令尹賞二縣

俱大理又為漢衙縣地春秋時秦晉爭戰于彭衙是也後

魏文成帝分澄城郡于此置白水縣白水南臨白水因以

為名隋文開皇三年罷郟縣屬同州

夏陽縣

繫西南至州一百三十里

古有葦國漢郟陽縣之地武德三年

分郟陽于此置河西縣在河之西因以為名又割同州之郟

陽韓城二縣于今縣理置西韓州取古韓國為名也以河

東有韓州故此加西貞觀八年廢西韓州以縣屬同州乾

元三年改為夏陽縣：南有葦城即古葦國文王妃大姁

即此國之女也

澄城縣望南至州一百里漢徵縣也音怡云徵音懲澄同聲後人誤為澄文十年秦晉取北徵即此城是也後魏太武七年分郟陽縣置又于今縣理置澄城郡開皇三年罷郡以屬同州

漢武帝時嚴熊上言願穿洛以溉重泉以東萬餘頃于是發卒穿渠自徵引洛水至商顏下商顏今在馮翊縣界名曰龍首渠

按州西三十里有乾坑即龍首之尾也

王官故城在縣西北春秋傳曰俘我王宮剪我羈馬

郟陽縣望西南至州一百二十里本漢襄縣屬左馮翊在郟水之陽詩

大雅所謂在冷之陽是也水經注曰郟陽城南有漢水東

流注于河即郟水也按中漢水滿池漢水與南漢水並在

舊河兩縣南五里今郟陽界內爾雅云漢出水尾下郭璞

以為汾陰縣有水如車輪此水亦然周武時屬澄城郡開

皇三年罷郡以縣屬同州

羈馬故城在縣東北二十六里

鳳翔府岐州扶風四輔

開元戶四萬四千五百三十三

御九十二

元和戶七千五百八十

御八十八

今為鳳翔節度理所

管州二

鳳翔府 隴川

縣十四 都管戶八千三百六十四

禹貢雍州之域春秋及戰國時為秦都德公初居雍即今天興縣也至獻公始徙櫟陽始皇并天下屬內史項羽封章邯為雍王亦此地也高帝更名中地郡後屬內史景帝更名主爵都尉武帝太初元年更名右扶風所以扶助京師行風化也與京兆尹左馮翊謂之三輔理皆在長安城中後漢出理枕里即今興平縣南東七里故槐里城是魏文帝除右字為扶風郡亦是重鎮曹公使張郃屯陳倉建興中諸葛亮攻陳倉及郡皆不克晉太康八年為秦國後

魏太武于今州理東五里築雍城鎮文帝改鎮為岐州隋開皇元年于州城內置岐陽宮岐州移于今理大業三年罷州為扶風郡武德元年復為岐州至德元年改為鳳翔郡乾元二年改為鳳翔府

州郡東西一百八十三里
州郡南北三百八十九里
八到東至上都三百一十里
東至東都一千一百七十里

東北至郿州二百三十里
南取太白山路至興元府六百里
西南至鳳州二百八十里
西至龍州一百五十里
北至涇州二百二十里

貢賦開元 賦貢 龍鬚席 蠟燭 麻布

管縣九

天興 岐山 扶風 普潤 岐陽 麟遊

寶雞 隴縣 郿縣

天興縣次赤郭下本秦雍縣秦國都也漢縣屬右扶風四面高

四雍又四望不見四方故謂之雍秦回中宮在縣西漢文

帝十四年匈奴入蕭關燒回中宮候騎至雍即此也至德

二年分置鳳翔縣永泰元年廢仍改雍縣為天興縣

乾歸故城在縣西四十三里乞伏乾歸據苑首號西秦國

築此城石鼓又在縣南二十許里其形如鼓其教有十蓋紀周宣

王畋獄之事其父即史籀之迹也貞觀中吏部侍郎蘇勗

紀其事云虞褚欣陽共稱古妙雖歲久訛缺遺迹尚有可

觀而歷代紀地理志都不存記錄尤可嘆惜

岐山縣西至府本漢雍縣之地周武帝天和四年割注州

鶉觚縣之南界置三龍縣開皇十六年移三龍縣于岐山

南十里改為岐山縣貞觀八年移于今理岐山亦名天柱

山在縣東北十里渭水在縣南三十里

五將山在縣西北六十里符堅為姚萇將吳忠所擒之處

扶風縣南至府本漢美陽縣地武德三年分岐山縣置周

川縣屬岐州取今縣南渭川水為名近代訛作園四年隸
入稷州貞觀元年廢稷州以縣屬岐州八年改為扶風
普潤縣南至府九十里隋大業元年于此置馬牧又置普潤屯後
廢屯置縣在漢為漆縣并有鉄官今城西有漆水又有小
城蓋置鉄官處

岐陽縣西南至府一百里蓋漢杜陽縣地貞觀七年割扶風岐山

二縣置以岐山之南因以名之

麟遊縣西南至府一百六十里一本漢杜陽縣地隋于此置西麟州營

仁壽宮義寧元年唐高祖輔政廢宮是年復白麟于宮所
因置縣

九成宮在縣理西一里即隋文帝所置仁壽宮每歲避暑
春徃冬還義寧元年廢宮置立郡縣貞觀五年復修舊宮
以為避暑之所改名九成宮

永安宮在縣西三十里貞觀八年置

寶雞縣東北至府九十里本秦陳倉縣秦文公所築因山以為名

屬右扶風大業九年移于今理在渭水北乾元二年改為
寶雞以昔有陳寶鳴鷄之瑞故名之

陳倉城魏太和中將軍郝昭所築陳倉城通說會諸葛亮
來攻亮本聞陳倉城愚及至怪其整頓聞知昭在其中大
驚愕亮素聞昭在西有威名念攻之不易初太原勒詳少

與昭相親後為蜀所得及亮圍陳倉詳為亮監軍使于城外呼昭喻之昭于樓上應詳曰魏家科法卿所練也吾之為人卿所知也曩時高剛守祁山坐不專意雖終得全于今請議不止我必死耳卿還謝諸葛亮便可攻也詳以告亮：進兵雲梯衝車晝夜距二十餘日亮無利會費曜等救至亮乃引去按今城有上下二城相連上城是秦文公築下城是却昭築

陳倉山在縣南十里南接梁鳳二州界散關在縣西南五十二里蜀志諸葛亮出散關圍陳倉

三文城在縣西十六里司馬宣王與諸葛亮相距所築城

亨三年於縣東南開渠引渭水入昇源渠通船至京故城

即故長安城漢惠帝所築城在今故大興城之西北苑中

魏縣北至府三十里古魏國周文王弟魏叔所封是日西魏後秦

武公滅為縣周改為洛邑縣大業二年復為魏縣貞觀八

年廢天授二年再置

郿縣西北至府一百里本秦縣右輔都尉理所在今縣東一十五

里有故城今縣周天和元年築置雲州建德三年廢武德

元年又於故城置郿州三年廢州郿縣屬稷州七年屬岐州

白起即此縣人也縣在渭水南一里自岐山至郿縣以八縣並次畿

終南山在縣南三十里

太白山在縣東南五十里

五丈原在縣西南三十五里初諸葛亮與司馬宣王相持亮據渭水南原宣王謂諸將曰亮若出武功依山東轉是其勇也若西上五丈原諸君無事矣亮果屯此原耕者雜於渭濱居人安堵軍無事焉

積石原在縣西北二十五里魏青龍二年諸葛亮出斜谷與司馬宣王屯渭南郭淮策亮必爭此原遂先據之亮至不得上即此原也

縣理城亦曰斜城：南當斜谷因以為名斜谷南口曰褒

北口曰斜

董卓地在縣東北十六里卓封眉侯築塢高與長安埒號為萬歲塢

成國渠在縣東北九里受渭水以溉田

隴州 汧陽 開元戶六千八十五 元和戶七百八十四

禹貢雍州之域秦文公所都漢為汧縣屬右扶風後魏置東秦州西魏文帝改名隴州因山為名大業二年省義寧二年又於縣理置隴東郡武德元年改為隴州

州境東西二百里 南北四百九十五里

八到 東至上都四百六十里

東至東都一千三百二十里

東至鳳翔府一百五十里

西至秦州三百四十里

南至鳳州山路四百三十里
北至原州三百三十里
貢賦開元 貢 龍鬚席五領

管縣五

汧源 汧陽 吳山 華亭 南田

汧源縣 上郭本漢汧縣地屬古扶風在汧水之北後魏改

為汧陰縣隋改為汧源縣

隴山在縣西六十三里

岍山在縣西六十里北與隴山接禹貢導岍及岐是也

大震關在州西六十一里後周置漢武至此遇雷震因名

秦城在州東西二十五里秦非子養馬汧渭之間有功周

孝王命為大夫

汧陽縣 上西至州本漢渝麋縣地因今縣東八里渝麋澤

為名周武帝置汧陽郡及縣尋省郡以縣屬隴州

汧水在縣南一里

吳山縣 中西北至州本漢渝麋縣地後魏孝昌二年于長

蛇川置長蛇縣屬東秦州開皇十八年改為吳山縣

吳山在縣西南三十里秦都咸陽以為西岳今為國之西

鎮山國語謂之西吳

華亭縣 下正南微東至本秦注陽縣地大業元年置華亭

縣以在華亭川口故名

水龍山在縣西四十里

南由縣下東北至州本漢汧縣地後魏孝明帝於縣西南

由谷口置縣因谷為名開皇二年省長蛇縣併入南由屬

岐州貞觀四年割入隴州

安夷關在縣西一百四十六里

長蛇川在縣西一百步

渭水在縣南四十里

元和郡縣圖志卷第一終

元和郡縣圖志卷第三

關內道三

涇源節度使 涇州 原州

邠寧節度使 邠州 寧州 慶州

鄜坊觀察使 鄜州 坊州 丹州 延州

涇州 安定上 開元 戶一萬五千九百五十二

元和 戶一千九百九十

墾田 今為涇原節度使理所

管州二

涇州 原州

縣九 都管戶

禹貢雍州之域春秋時屬秦至始皇分三十六郡屬北地郡漢分北地郡置安定郡即此是也漢以六郡良家子補羽林即按六郡安定即其一焉後漢安帝永初五年徙其人於羨陽以避羗寇郡寄理羨陽在今武功縣界夷陽故城是也至順帝移于今理後魏太武神鹿三年於此置涇州因水為名大業三年改為安定郡大業末金城賊帥薛舉侵擾幽涇武德元年太宗西討會舉死因平舉子仁果遂改安定郡為涇州

州境東西一百九十六里南北二百八十六里

八到

東南至邠州一百五十里
東北至寧州一百四十里
東南至東都一千三百四十里
西北至原州平原縣一百五十里
北至慶州三百三十里
南至鳳州二百五十八里
東南至邠州一百八十里
西南至隴州私路一百八十里

貢賦開元 賦貢 龍鬚席 麻布

管縣五

保定 靈臺 臨涇 良原 潘原

保定縣上郭本漢安定縣也今臨涇縣安定故城也後漢省後魏文帝大統元年自高平移城于今理屬安定郡隋

開皇三年罷郡以縣為涇州至德二年改保定縣

涇水在縣東一里

折墟故城在縣東十里西魏涇州刺史乙弗貴所築隋末薛舉屯據于此城舉死仁果復竊據武德元年討平之萬侯醜奴餘趾在縣東五里醜奴高平人後魏建義元年僭號於此

靈臺縣上西至本漢鶉觚縣屬北地郡周屬趙平郡隋

開皇三年屬涇州大寶元年改為靈臺縣理西東接縣城即古密國之地也今縣理西陰密故城是也詩云密人不

共也

臨涇縣上東南至本漢舊縣屬安定郡隋大業元年於今

縣理置秋谷縣取縣內秋谷為名十二年後為臨涇縣皇朝因而不改按縣在彭陽川內彭陽水一百步縣界兼有

漢安武安定彭陽撫夷四縣之地

良原縣上東北至本漢三水縣地屬安定郡今安定縣界

三水故城是也大業元年分安定縣之地置良原縣西南三十里有良原因以為名

汭水一名宜祿川西自隴州華亭縣流入

石原在縣西南所謂良原也

潘原縣中東至州本漢陰盤縣屬安定郡在今邠州宜祿

縣西二十三里陰盤故城是也地有陰槃
原州平京都督府 開元元和戶

鄉鄉

州境東西南北

八到東南西北
東至涇州一百六十里
東南至東都一千九百六十里
東至會州三百九十里
西至秦州四百六十里
南至徽南至臨洮軍一百二十里
正西至靈州五百里
北至靈州五百里

貢賦開元

賦

履鞮

管縣四

平高

平涼

百泉

蕭縣

平高縣望下本漢高平縣屬安定郡後魏太武太延二年

於今縣理置平高縣屬平高郡隋開皇三年罷郡以縣屬

原州大業三年以原州為平涼郡武德元年重為原州縣

仍屬

筭頭山一名崆峒山在縣西一百里即黃帝謁廣成子學道之處史記曰黃帝東至於海西至崆峒登筭頭是也漢書曰筭頭山在涇陽西禹貢涇水所出莊子云廣成子學道崆峒之山又後漢書隗囂使將王孟塞鷄頭道即此也

水硤關在縣西南四十里

蕭關故城在縣東南三十里漢書文帝十四年匈奴入蕭關殺北地都尉是也

瓦亭故關在縣南七十里即隴山北垂隗囂使牛邯守瓦亭即是此也

秦長城在縣北十里

朝那湫郊祀志云湫泉祠那蕪林云在安定朝那縣方四十里冬夏不增減不生草木旱時即祠之以壺挹水置之於所在則雨雨不止及水以泉俗於為恒今周圍七里蓋近代減耗

監牧貞觀中自京師東赤岍澤移馬牧於秦渭二州之北會州之南蘭州狄道縣之西置監牧使以掌其事仍以厚州刺史為都監牧使以管四使南使在原州西南一百八十里西使在臨洮軍西二百二十里北使寄理原州城內東宮使寄理原州城內天寶中諸使共有五十監

南使管十八監

西使管十六監

北使管七監

東宮使管九監

監牧地東西約六百里南北約四百里天寶十二年請監
見在馬統三十一萬九千三百八十七疋內一十三萬三
千五百九十八疋課馬

平涼縣

上西北至州一百六十里

本漢涇陽縣地今縣西四十里涇

州故城是也後魏為長城郡長城縣之地周武帝建德元
年割涇州平涼郡於今理置平涼縣屬長城郡開皇三年
屬原州皇朝因之開元五年移於涇水南貞元七年又移
於舊縣南坂上今縣是也乃屯軍其中

馬屯山縣西六十里春秋子地也與符於戰于高平登敗

舍于馬屯山即此也其山南北二十里東西三十里

百泉縣

州上

西至

本漢朝那縣地故城在今縣理西四十

五里後魏孝明帝於今縣西南陽晉川置黃石縣隋煬帝
改為百泉縣武德八年移于今所

可藍山一名都盧山在縣西南七十里十六國春秋曰赫
連定據平涼登可藍山望統萬城泣曰先帝若以朕承大
業豈有今日

涇水源出縣西南涇谷地理志云涇陽縣筭頭山涇水所
出淮南子云筭頭山一名薄落山故涇水亦名薄落水又

南流經郡盧山山路之中常如彈箏之聲故行旅因謂之
彈箏峽

蕭關縣 中 南至州 本 隋地樓縣大業元年置神龍三年
廢別立蕭關縣以去州濶遠御史中丞侯金德奏於故白
草軍城置因取蕭關為名

蔚茹水在縣之西一名葫蘆河源出原州西南顏沙山下

邠州

新平

開元戶一萬九千四百六十一

鄉四十九

今為邠寧節度理所

管州三

邠州

寧州

慶州

縣十九

禹貢雍州之域周之先公劉所居之地詩大雅云篤公劉
於豳斯館是也周本紀曰后稷子不窋末年夏政衰奔戎
翟之間至孫公劉修后稷之業乃國于豳徐廣云新平漆
縣東北有豳亭是也按豳國城在今州理東北二十九里
三水縣界古豳城是也自周東遷其地屬秦并天下分
三十六郡屬內史漢屬右扶風今州理即漢右扶風之漆
縣也漆水在今縣西九里西北流注於涇今鳳翔府麟遊
縣東西亦有一漆水與此異也後漢於此置新平郡及姚
萇之亂百姓夷滅此地郡縣並無理所至後魏又置郡焉

文帝大統十四年於今理置南幽州廢帝除南字大業二
年省入寧州義寧二年復為新平郡武德元年復為幽州
開元十三年以幽與幽字相涉詔曰魚魯變文荆并誤聽
欲求辨惑必也正名改為邠字天寶元年改為新平郡乾

元元年復為邠州

州境東西二百七十里

八到東南至上都三百里
東南至東都一千一百六十里

東至坊州三百十里
南至奉天縣一百三十里

西北至涇州一百八十里
北至寧州一百四十里

貢賦開元貢單豆白蠟
麻布米粟

管縣四

新平 三水 永壽 宜祿

新平縣聖下本漢漆縣也屬右扶風建武八年隗囂志眾

攻略陽上漆進止未定會馬援夜至上喜問之援聚米以

為山谷於上前指軍所從入上笑曰虜在我目中遂進兵

考諸記注漢之漆縣即今州理是也姚萇之亂郡縣不立

暨乎後魏於今縣西南十里陳陽原上置白土縣屬新平

郡開皇三年罷郡移白土縣於今州城中置幽州四年改

白土縣為新平縣大業二年省幽州入寧州義寧二年復

新平郡武德元年以新平郡又為幽州縣屬焉

五龍原在縣南三里原側有五泉水因名
涇水西北自宜祿界流入

臺邱堡在縣西十八里東西南三面石坡峭峻高十丈北
面築城高二丈武德二年置貞觀元年廢

符堅墓在縣東南二里先兵有謠云河水清荷詔死新城
聖聞惡之詔軍候曰地名新城避之至是為姚萇所殺於

新平城遂莖焉

三水縣縣西六十里本漢蕩縣有織官屬安定郡以縣界

有羅川谷三泉並流故以為號魏改三水縣為西川縣亦

屬安定後魏於今縣理西二十八里重置三水縣取漢蕩

名屬新平開皇三年罷郡以縣屬豳州皇朝因之

石門山在縣東五十里峰巖相對望之似門

旬邑故城在縣東二十五里即漢枸邑縣屬右扶風古郿

國也左傳云畢原豐郿文之昭也

古豳城在縣西三十里公劉始都之處

永壽縣州上西北至武德二年分新平縣西界於今理北

三十里永壽原西分置永壽縣因原而名貞觀二年移於

州東南八十里興元元年又移於順義店即今理是也本

漢漆絲之南界也

高泉山亦曰甘泉在縣北二十五里

上均呈乳而
心相也

涇水自新平縣界流入

醴泉苑在縣東北十里并宮并周所立後廢貞觀四年置

醴泉監兼置屯五所隸司農寺

宜祿縣中東至州本漢淺水縣地屬上郡後魏為東陰

盤縣地廢帝以縣南臨宜祿州因改名隸涇州暨周隋又

為白土縣貞觀二年分新平縣又置宜祿縣後魏舊名也

淺水原即今縣理所初金城人薛舉稱兵攻破郡縣武德

元年舉寇涇州屯兵于新安定縣之折撫城太宗親征相

守六十餘日會舉死其子仁果統其眾并羌胡十餘萬數來

挑戰上遣總管龐玉自此原南出賊之右因高而陳上率

大兵自原北出其不意斬首萬餘級賊大潰仁果懼而請

降俘其精兵萬餘人男女五萬口故城猶在今縣北五里

陰盤城在縣西北二十五里

昭仁寺在縣西十步淺水原上王師討平仁果詔於此置

寺碑諫議大夫朱子奢之詞也

長武城在縣西五十里隋開皇中築在涇河南岍武德元

年廢大歷初郭子儀置兵以備西戎

寧州彭原開元戶三萬二百二十六 鄉七十三
元和戶一千一百七

壑田

禹貢雍州之域古西戎地也當夏之衰公劉邑焉周時為

義渠戎國其後戎翟攻太王亶父避于岐山脚而作周按
 今州理城即公劉邑地也後西北伐犬戎武王都鎬逐戎
 夷于涇洛之北以時入貢命曰荒狄周道衰荒狄不至後
 幽王為犬戎所殺至秦繆公得由余西戎八國來至秦昭
 王殺義渠戎王并其地始皇分三十六郡此為北地郡即
 義渠舊地也漢氏因之後漢移北地郡居富平故城是也
 後魏延興二年為三縣鎮孝文太和十一年改置班州十
 四年改為邠州二十年改邠為幽取地名也廢帝三年改
 幽州為寧州以撫寧戎狄為名後周改為北地郡隋又為
 寧州大業中又為郡武德元年復為寧州貞觀元年改為

都督府四年又廢府為州

州境東西二百一十六里
 南北五百一十四里
 八到
 東南至上都四百五十六里
 東南至東都一千三百里
 東至坊州三百二十里
 西至涇州一百五十里
 東北至寧州三百九十里
 北至慶州一百三十里
 南至邠州一百四十里

貢賦開元 貢 龍鬚席
 賦 麻布

管縣六

安定 真寧 襄樂 彭原 定平 豐義
 安定縣郭下 本漢泥陽縣在今縣理東南方十五里泥陽

故城是也至後魏太武帝置安定縣取定屬俗安人為義
在今縣理北西三里定安故關自開皇三年移縣入廢趙
興郡理仍屬寧州皇朝因之

扶蕪墓在縣西北十八里始皇太子也監蒙恬築長城始

皇崩李斯矯詔賜死葬于此

真寧縣州七十里西北至本漢陽周縣地屬上郡漢書陳餘興

章邯書曰蒙恬為秦將北逐戎人開榆中地數千里竟斬

陽州謂此縣也魏置泥陽惠陟二護軍孝文太和十一年

復置陽縣開皇十八年改為羅川縣南羅水為名屬寧川

皇朝因之天寶元年改為真寧縣

子午山亦曰橋山在縣東八十里黃帝陵在山上即羣臣

葬衣冠之處史記曰漢武帝北巡朔方還祭黃帝冢于橋

山曰吾聞黃帝不死今有冢何也或對曰黃帝已上仙羣

臣葬其衣冠故有冢

襄樂縣州六十里西南至本漢襄洛縣屬上郡後魏孝文改洛

為樂屬襄樂郡後周屬北地郡隋開皇三年改屬寧州皇

朝因之

秦故道在縣東八十里子午山始皇三十年向九原抵雲

陽即此道也

彭原縣州一百里南至本漢彭陽縣地在今縣理西南六十里

臨涇陽縣界彭陽故城是也暨于後漢又為富平縣之地後魏破赫連定後于此復置富平原南北八十一里東西六十里

定平縣州上北至自漢至晉並泥陽縣地後魏至周並為

安定縣地大業十年於此築城置棧社驛武德二年於驛

分安定縣置平定縣其驛移出城北

豐義縣州上東南至本漢彭陽縣地今縣理西四十里彭

陽故城是也後魏于縣理置雲州周武帝保定二年廢州

為坊隋文帝廢坊名為豐義縣城武德二年分彭原縣置豐

義縣因舊城為名屬彭州貞觀元年州廢縣屬寧州

慶州順化都督府

開元戶一萬七千九百八十一

壑曰

禹貢雍州之域古西戎地周本紀曰夏氏政衰后稷子不

密奔戎狄之間今州理東南三里有不密故城是也春秋

及戰國時為義渠戎國秦厲公伐并之虜其王義渠至始

皇時屬北地郡按今州理即漢郁城地理志屬化城郡後

漢郡境為虜所侵北地郡寄寓馮翊後魏文帝大統十一

年置朔州周武帝保定元年廢朔州為周武防隋文帝開

皇三年改置合川鎮十六年割寧州歸德縣置慶州之嘉

名也義寧元年為弘化郡天寶元年改為安化郡至德元

年改為順化郡

州境東西北二百五十三里

八到東南至上都一千四百七十里

東北至遼州四百四十里

東北至寧州六百三十里

東至廊州三百九十里

西至原州三百四十里

南至寧州一百二十七里

北至鹽州五百七十里

貢賦周元賦牛燕麴麩

管縣十

順化 樂蟠 馬嶺 合水 華池 同川

洛源 延慶 方渠 懷安

順化縣郭中下本漢有郿縣後漢迄晉戎虜所侵不立州縣

後魏及周以為鎮防開皇十六年於今州城西南一里置

合水縣在馬嶺白馬二水口因以為名屬慶州大業二年

以慶州為弘化合水屬焉至武德二年改合水為合州縣

取隋合川鎮為名貞觀元年改為弘化縣天寶元年改為

安化縣至德元年改順化縣

不密墓在縣東二里

樂蟠縣中北至州本漢畧畔道地也今縣理北五里略

畔故城是也後魏及晉為虜所侵逼此地無復郡縣後魏

文帝於此置蔚州周武置北地郡隋開皇二年罷郡以彭

陽襄樂二縣屬寧州義寧元年分合水縣置樂蟠縣屬弘化郡取樂蟠城為名也百官表云縣有寧夷日道按畧畔樂蟠皆指此城方言訛舛故不同耳

馬嶺縣中東南至州六十七里本漢舊縣屬北地郡漢末為虜所侵

至後魏為朔州之地隋大業元年分合水縣于此置馬嶺

縣復漢縣之舊名也十三年陷賊縣廢義寧二年于今縣

理北四十里百家堡置馬嶺縣屬弘化郡以縣西一里有

馬嶺坂因名

秦長城在縣西北一百二十六里即蒙恬所築

合水縣中西至州五十五里本漢略畔道之地在今縣西南三十八

里故城是也自後漢至晉此地皆無郡縣至後魏為襄樂

縣之地武德六年分合水縣置蟠交縣以城臨大小築蟠

二水交口因以為名天寶元年改為合水縣

華池縣下西南至州一百五十里本漢歸德縣地也按漢歸德縣今

洛源縣是隋仁壽二年于今縣東北二里庫多汗故城置

華池縣因縣西華池水為名屬慶州皇朝因之

子午山舊名翟道山在縣西四十五里

同川縣中下東至州八十里本漢郁郅縣地義寧二年分寧州之

彭原縣西南十五里三泉故城置三泉縣屬洪化郡武德

元年改為慶州縣屬焉仍改為同川因同川城為名

洛源縣中下二百七十五里東南至州本漢歸德縣地屬北地郡後漢

更始二年封岑彭為歸德侯謂此地也後漢迄晉無復郡

縣後魏文帝天統元年復置歸德縣大業元年改為洛源縣

因洛水所出為名皇朝因之

洛水源出於山名女郎山在縣北三十里

延慶縣中四十里南至本漢郁郅縣地後魏於今縣理置翔州

隋開皇中改置合水縣武德六年移豐州戶住此仍分合

水縣置白馬縣西臨白馬川水為名天寶元年改名延慶

縣方渠縣中下一百八十里東南至古慶匡州倉在馬嶺川內因渠為

名景龍元年置取漢縣為名縣西北馬嶺山諸谷水東南

流經縣新置方渠僅因名之

懷安縣下南至州右居近黨項藩落開元十年檢逃戶

所置故以懷安為名

廊州上洛交開元戶三萬一千八百八十五鄉五十一

元和戶七百五十鄉十二

墾田今為廊坊觀察理所

管州四

廊州 坊州 丹州 延州

縣二十四 都官戶四千三百四十七

禹貢雍州之域春秋時屬秦至始皇時地屬上郡漢為
上郡雕陰縣之地按漢雕陰在今洛交縣北三十里雕陰
故城是也暨晉陷于戎羯不置州郡符姚置杏城鎮後魏
孝文廢鎮改為東秦州孝明帝改為北華州廢帝改為廊
州因秦文公夢黃蛇自天降屬于地遂于廊衍立廊時為
名大業初復為上郡武德元年復為廊州貞觀二年加為
都督府十六年罷府州城舊名立交城

州境 東西二百六十七里

八到 東南至上都四百七十七里
東南至東都九百五十九里
北至丹州一百八十三里
西至慶州三百九十八里

南至坊州一百二十五里
北至延州一百五十里

貢賦 元和 貢賦同 龍鬚席 賦 麻布

管縣五

洛交 洛川 三川 直羅 甘泉

洛交縣 本漢雕陰縣地屬上郡雕山在西南故曰雕陰

魏省上郡晉為戎狄所居符堅時為長城縣後魏及周為

三川縣隋開皇十六年分三川二縣置洛交縣屬廊州洛

水之交故曰洛交皇朝因之

洛水在縣南一里

秦長城在縣東北三十里

偽夏太后城在縣西三十六里赫連勃：開劉裕滅姚泓命其子義真守長安大悅自將兵入長安留太后于此築城以居

洛川縣州上西北至本漢郿縣地後秦姚萇于此置洛川

縣以縣界有洛川水為名後魏置敷城郡開元三年罷郡

以縣屬郿州

三川縣州中東北至本漢隄道縣地古三水郡以華池水

黑源水又洛水三川同會因為名符堅時于長城原置長

城縣屬長城郡後魏廢帝改為三川屬中部郡開皇三年

屬郿州

直羅縣州中下東至本漢隄陰縣地後魏因之魏省隄陰

縣晉時戎狄所居後魏置三川郡隋開皇三年使戶部尚

書崔仲方築城以居之城枕羅原水其川平直故名直羅

城武德三年分三川洛交於此置縣因城為名

大槃山在縣西北一百十里

羅川水在縣南二里

甘泉縣州中下南至武德元年分洛交縣於伏陸城置縣

取城為名天寶元年改為甘泉縣本漢隄陰縣城今在縣

南四十里

伏陸山在縣理東北有阿伏斤谷其水出又潛流伏川陸

故號伏陸天寶元年改為甘川谷

坊州中部開元戶一萬五千七百一十五下元和戶一千八百四十三下 鄉四十四 鄉十二

堡田

禹貢雍州之城古之翟國秦屬內史漢為左馮翊翟道縣之地魏晉陷于夷狄不置郡縣劉石符姚時于今州理西七里置杏城鎮常以兵守之後魏孝文帝改鎮為東秦州孝明帝改為北華州廢帝改為廊州元皇帝以周武帝時天和七年放牧于今州界置馬坊結構之處尚存武德二年高祖駕幸于此聖情永感因置坊州取馬坊為名州境東西三百八十九里南北一百三十九里

八到東至上都三百五十里

東至東都九百里
東南至同州二百五十里
西南至邠州三百一十里
東北至丹州二百六十里
北至廊州一百五十里

貢賦 元和 貢同 龍鬚席 棠麻 弓弦麻

管縣四

中部 宜君 昇平 廊城

中部縣上本漢翟道縣之地屬左馮翊魏晉戎翟所居後秦姚興於今縣南置中部縣後魏文帝移入杏城後周改為內郡屬廊州武德二年置坊州改為中部杏城在縣西南五里相傳云漢將韓胡伐杏木為柵以抗北狄因以為

名

宜君縣州上一百里東北至前秦苻堅于祓祠縣故城置宜君護

軍後魏大武改為宜君縣文帝天統五年又移于今華原

縣北貞觀十七年廢縣地入雍州二十年置玉華宮仍于

宮所置宜君縣屬雍州永徽二年與宮同廢龍朔三年坊

州刺史竇師倫奏再置玉華宮在縣北四里貞觀二十年

奉勅營造其地本縣人秦小龍宅太宗云小龍出大龍入

當時以為清涼勝于九成宮永徽二年有詔廢宮為寺使

以玉華為名寺內有肅成殿永徽中奉勅令元裝法師於

此院譯經每言此寺即闍浮之兜率天也

昇平縣州上九十里東至天寶十二年刺史羅希爽奏割宜君縣

西北三鄉置去宜君縣三十五里

廊城縣州上一百里東至本漢廊縣地屬左馮翊後漢省後魏于

今縣理置廊城縣屬廊城郡大業元年改屬坊州

丹州成平開元戶一萬二千四百二十二鄉三十五
元和戶八百十六鄉十二

墾田

禹貢雍州之域春秋時為白翟所居隋圖經云義川本春

云丹州白室胡頭漢舌其狀是胡其言習中夏白狄語訛耳近代號為步落稽胡自言白狄之後秦置三

十六郡屬上郡漢因之魏文帝省上郡其地晉時戎狄居

之苻姚時為三堡鎮後魏文帝大統三年割廊延二州地

置汾州理三堡鎮廢帝以河東汾州同名改為丹州因丹陽川為名領義川樂川縣隋大業三年廢丹州于義川縣置延平縣十三年為胡賊劉步祿所據義寧七年于義川縣置丹陽郡武德元年改為丹州九年置都督府貞觀元年罷府為州永徽二年移于赤石川

州境東西北一百九十九里

八到西南至上都五百五十里

東南至東都九百二十里

東至同州三百五十里

南至坊州二百九十里

西至廊州一百八十里

北至延州二百五十里

貢賦
元和
貞同
貞
廣射香
熾燭
龍鬚席
賦
麻布

管縣四

義川 雲巖 汾川 咸寧

義川縣郭上本漢上郡之地二漢因之魏省上郡其地至

晉為戎狄所居後魏文帝大統三年置義川縣屬義川郡

因川為名大業二年廢丹州義川屬延州義寧元年於舊

城復置丹州郡縣在城內永徽二年移于今理

雲巖縣州七十三里武德元年分義川縣置在庫利川南

有雲岩山因以為名

庫利川在縣郭南首有奴賊居此川內稽胡呼奴為庫利

因名之

汾川縣

上州七十里西南至

本秦上郡地二漢因之魏省上郡後

魏孝文帝置安平縣理薛川屬樂川郡文帝改安平為汾

州開皇三年罷郡縣屬丹州大業二年屬延州武德元年

復屬丹州

黃河在縣東七里河岸頓狹狀似槽形鄉人呼為石槽蓋

禹治水鑿石導河之處石槽長一千步濶三十步懸水奔

咸寧縣

中下州四十五里西南至

本秦上郡之地後魏孝文帝太和

十八年于白水川置永寧縣屬義川郡在今縣東二十里

永寧故縣是也文帝改為太平縣移于今所隋文罷郡屬

丹州十八年改太平縣為咸寧以界內有咸寧鎮為名

延州望

延安中都督府

開元戶一萬六千三百四十五

元和戶九百三十八

墾田

禹貢雍州之域春秋時白翟所居秦置三十六郡屬上郡

在漢為上郡高奴縣之地今州縣即上郡高奴縣之域也

項羽三分秦地以董翳為翟上都高奴即其地也魏省上

郡至晉隔為戎狄其後屬赫連勃勃後魏滅赫連昌以屬

統蘓鎮孝文置金明郡宣武帝置東夏州廢帝改為延州

以界內延水為名置總管丹延綏三州開皇八年廢總管

但為延州煬帝以為延安郡隋氏喪亂陷于殘寇武德元年百姓歸化置總管府開元二年為都督府尋罷府為州州境南北三百五十一里

八到

東南至東都一千一百里

東至陞州三百六十里

東至鄜州一百五十里

東至慶州四百四十里

北至夏州四百里

貢賦

開元

貢同

蜜蠟

麝香

賦同

麻布

管縣十

膚施

延長

臨真

金明

豐林

延川

敷政

延昌

延水

門山

膚施縣上本漢舊縣屬上郡趙武靈王滅齊中山遷其人膚施漢書匈奴南侵至朝那膚施即其處也魏晉陷戎狄隋煬帝大業二年分豐林金明二縣於此置膚施縣復舊名也屬延安郡皇朝因之縣有五龍山帝原水黃帝祠清水俗名去斤水北自金明縣界流入地理志謂之清水其肥可撻鮮卑謂清水為去斤水一作斤延長縣中東至州本秦膚施縣地後魏廢帝元年於邱頭原置廣安縣隋仁壽元年以廣字犯皇太子名改為延安縣大業末廢貞觀六年又置移于府北去斤川今縣是也廣德二年改為延長

臨真縣 中 西北至州 本漢高奴縣地後魏文成帝置臨

真縣屬偏城郡周武帝天和元年稽胡叛攻破郡城遂移

于今理隋開皇元年改為臨真縣屬延安郡皇朝因之

金明縣 中 東南至本漢高奴縣地魏太武帝于此置廣

洛縣屬金明縣郡隋開皇四年屬延州後仁壽九年以太子

名憲改為金明縣大業十三年省入膚施縣武德六年又

分置金明縣

豐林縣 中 下 西至本漢高奴縣地後魏孝文帝置廣武

縣屬偏城郡在今理東四十里周宣帝改為豐林屬延州

皇朝因之

琉璃山在西北九十五里

延川縣 中 西南至州 本秦臨河縣地漢不改後漢省後

魏分安人縣於此地置文安縣隋文帝改為延州取吐延

川為名皇朝因之

吐延水北日緄州緄德流入

敷政縣 中 下 東北至本漢高奴縣地後魏太和初置因

城縣隋文開皇六年於其中置金城鎮武德二年移縣就

鎮因取為金城縣天寶元年改敷政

延昌縣 中 南至州 一本漢高奴縣地開皇三年于此置

朔方鎮十年以北有朔方鎮遂廢貞觀九年置罷文鎮十年

又置罷交縣屬延州取城北罷交谷為名天寶元年改為
延昌縣

塞門鎮在縣西北二十里鎮本在夏州寧朔縣界開元二
年移就蘆子關南金鎮所安置

蘆子關屬夏州北去鎮一十八里

延水縣中下西至州本秦臨河縣之地史記秦滅六國

使蒙恬北擊匈奴悉收河內地因河為塞築四十四縣城
臨河徙謫吏以戍之漢因之在今縣理北十五里臨河故
城是也後魏于其中置安人縣并安人鎮屬夏州隋文
帝廢鎮置安人戍武德二年重置安人縣屬延州貞觀二

十三年改為延州縣取吐延以為名

黃河在縣東八里

門山縣中西至州本漢定陽縣也周宣帝大象元年分

汾州雲巖二縣于今縣南六里置北有山形似門因為
名武德八年於今縣北五里朱斯僅置丹州廣德二年割
屬延州

黃河在縣三十五里

元和郡縣志卷第四

關內道四

靈武節度使

靈州

會州

鹽州

夏州節度使

夏州

綏州

銀州

宥州

振武節度使

單于都護府

東受降城

麟州 勝州

都防禦使

豐州

天德軍

中受降城 西受降城

靈州 靈武

大都督府

開元

鄉戶九千六百六

元和鄉戶

晉州三

靈州 會州 鹽州

縣十

禹貢雍州之域春秋及戰國屬秦，并天下為北地郡漢
富平縣之地後漢安帝永初五年西羌大擾詔令郡人移
理池陽順帝永建四年歸舊土其城赫連勃勃所置菜園
今桃李千餘株鬱然猶在後魏太武帝平赫連昌置薄骨
律鎮後改置靈州以州在河渚之中水上下未嘗陷沒故
號靈州周置總管府大業元年罷府為靈州三年又改為
靈武郡武德元年又改為靈州仍置總管七年改為都督

府開元二十一年於邊境置節度使以遏四夷靈州常為

朔方節度理所朔方節度管兵六万四千七百八人馬二

万四千五百疋永賜二百萬疋段

統經略軍 靈武郡城內管兵二万七百人馬三千疋

豐安軍 靈武郡西黃河外一百八十餘里萬歲通天和初

置管兵八千人馬一千三百疋

定遠東城 靈武郡東北二百里黃河外景龍中韓公張

仁愿置管兵七千人馬三千疋

西城 九原郡北黃河外八十里景龍中韓公張仁愿置

管兵七千人馬一千七百疋西南去理所一千餘里

安北都護府赤日中受降城景龍中韓公張仁愿於黃河北岸置管兵六千人馬二千疋西南去理所一千三百里

東城 榆林郡東北二百里景龍中韓公張仁愿置管兵

七千人馬一千七百疋西南去理所一千六百餘里

振武軍 單于都護府城內天寶中王忠嗣置管兵九千

人馬一千六百疋西南去理所一千七百里

天寶元年又改為靈武郡至德元年肅宗幸靈武即位陞

為大都督貞乾元二年復為靈州

州境東西五百八十里

八到 東南至上都一千二百五十里

東南至東都二千二百七十里

東南至蔚州三百二十里

東南至慶州六百二十里

西南至涼州九百里

北至磧南彌城川水一千里

開元貞 甘草 烏翎 鹿角膠

青出子 野馬皮 花蓂蓉

鹿皮 鹿筋 紅花 射香

赤橙馬鞭

管縣六

迴樂 靈武 保靜 懷遠 鳴沙 温池

定遠城廢

迴樂縣郭下本漢富平縣地屬北地郡在今縣理西南富平故城是也後漢置迴樂縣枕黃河後魏刁雍為薄骨律

鎮將上表請開富平西三十里艾山舊渠通河水溉公私
田四萬餘頃人大獲其利孝文太和七年雍又上表論漕
運奉詔平高安定統萬今平高今屬統夏及臣所守四
鎮出車五千乘運穀五十萬斛付沃野鎮以供運糧臣鎮
去沃野鎮八百里道多深沙輕車往來猶以為難今載穀
二十五斛每至深沙必至滯陷又穀在河西轉至沃野越
渡大河計五千乘運十萬斛百餘日乃得一返大廢生人
耕墾之業車牛艱阻雖可令至一歲不過三運五十萬斛
乃經三年臣聞鄭白之渠遠引淮海之粟汧流數千里周
年乃得一至猶稱國有儲糧人用安樂今求于蟻岷山河
水之次造船二百艘二船為一船一船乘二千斛一船十
人計須千人呂鎮內之兵卒皆習水一運二十萬斛方舟
順流五日而至自沃野帝上十日還到計用人上輕于車
運十倍有餘不費牛力又不廢田孝文帝嘗之下詔曰非
但一運白可永以為式

溫泉鹽池在縣南一百八十三里周迴三十一里

薄骨律渠在縣南六十里溉田一千餘頃

安樂川在靈州南稍東一百八十里

長樂山舊名連樂山亦曰鐸落泉山以山下有鐸落泉水
故名舊土渾部落所居今土蕃置兵守之

靈武縣上州十八里東南至本漢富平縣之地 魏破赫連昌收

胡戶徙之因魏胡地城天和中於州東北置建安縣開皇

十八年改為大潤縣仁壽元年改為靈武縣移入胡地城

安置黃河自迴樂縣界流入

千金陂在縣北四十二里長五十里濶十里

漢渠在縣南五十里從漢渠北流四十餘里始為千金大

陂其左右有胡渠御史百家等人渠溉田五百餘頃

保靜縣上州六十二里西南至本漢富平縣地後魏立弘靜鎮徙關

東漢人以充屯田俗謂之漢城隋改置弘靜縣神龍元年

改為安靜至德元年改為保靜

賀蘭山在西北四九十三里山有樹木青白望如駁馬北人

呼駁為賀蘭其山河東望雲山形勢相接迤瀼向北經靈

武縣又西北經保靜西又北經懷遠縣西又北經定遠城

西又東北抵河其抵河之處亦名乞伏山在黃河西徙首

至尾有像月形南北約長五百餘里直適城之拒防山之

東河之西有平田數千頃可引水溉灌如畫收地利足以

贍給軍儲也

懷遠縣上州南至州一在州東北隔河一百二十里本名

飲汗城赫連勃以此為鹿子園後魏給百姓立為懷遠

縣其城儀鳳二年為河水汎損三年以故城西更築新城

縣有鹽池三所隋廢紅桃鹽池在縣西北鹽色似桃花在縣西三百二十里武平鹽池在縣西北一十二里河池鹽池在縣東北一百四十五里

廢靈武城在縣東北隔河一百里其城本蒙恬所築古謂之渾懷障即渾懷所理道故謂之靈武

新堡在縣西北四十里永昌元年置堡內安置防禦軍二千五百人糧五萬石舊名千金堡今名新堡

鳴沙縣上東北至州一百二十里本漢富平縣地屬安定郡在今縣

理東二百里原州周保定二年於此置會州建德六年廢都立鳴沙鎮隋文開皇十九年置環州以大河環曲為名

仍立鳴沙縣為州大業三年罷環州以縣屬靈武郡貞觀

六年復置環州九年州廢以縣屬靈州神龍二年冬為默啜所寇因而荒廢遂移縣于廢豐安城即今縣理是西枕

黃河人馬行經此沙墮路有聲異于餘沙故號鳴沙

溫池縣上西北至州一百八十里神龍五年置縣側有鹽池

定遠城廢在州東北二里即漢北地郡方渠縣之地先天二年郭元振以西城遠濶置安勢孤中間十里無城烽候

杳渺故置此城有兵募健五千五百人以鎮之其後信安

王禕更築羊馬城幅員一十四里

經畧軍在夏州西北三百里天寶中王忠嗣奏于榆多勒

城置軍今屬靈武郡度本屬夏州南去靈武六百二十餘里元和九年於此城新置宥州

會州會寧開元戶三千五百四十元和鄉六

禹貢雍州之域古西羌地周太祖為西魏相柔巡會師于此土人張信罄資饗六軍太祖悅因命置州以會為名周

武帝保定二年廢州改為會防隋開皇元年改防為鎮武

德二年討平李軌置西會州貞觀八年以此州倉儲殷實

改為粟州其年又為會州天寶元年改為會靈郡乾元元

年復為會州

州境東西五百一十里南北三百三十里

八到東南至一千一百二十里東南至一千五百里

東南至原州三百九十里西南至蘭州三百八十里

西北至涼州五百四十里東北至靈州五百三十里

貢賦開元貢覆鞍德

會寧二

會寧 馬蘭

會寧縣上本漢鶡陰縣地周太祖置會寧縣屬會州大業

二年改為涼州縣武德二年又改為會寧

黃河堰開元七年河流漸逼州城刺史安敬忠率團練兵

起作拔河水向西北流遂免淹沒

會寧關東南去州一百八十里

河地西去州一百二十里其地春夏因雨水生鹽雨多鹽

少雨少鹽多遠望似河故名河地

烏蘭縣上東南至州一百四十里本漢祖厲縣地屬安定郡後漢屬

武威郡前涼張軌收其縣人于涼州故武威縣側近別置

祖厲縣周武帝西巡於此置烏蘭關又置縣在會寧關東

南四里舊城內沙石不堪久居天授二年移于東北七里

平川置

鹽州五原開元戶三千二十五鄉七

禹貢雍州之域春秋為戎狄所居地史記梁山經涑之北

有義渠胸行謂此也及始皇并天下屬梁州漢武元朔二

年置五原郡地有原五所故號五原至晉地沒赫連勃勃

後魏平之改為西安州以其北有鹽池又改為鹽池大業

三年為鹽州郡貞觀二年討平梁師都郡鹽州天寶元年

改為五原郡乾元元年復為鹽州

州境東西二百四十五里

八到南至上都一千五十里

東至東都一千七百三十里

南至慶州四百五十里

西北取烏地黑洋國堡私至靈州四百里

貢賦開元貢鹽土四十顆

管縣二

五原 白池

五原縣上本漢馬嶺縣地貞觀二年與州同置五原謂龍
遊原乞池十原青嶺原可嵐貞原橫槽原也

鹽池四所一烏池二白池三細頂池四瓦窰池烏白二池
出鹽今度支杖糧瓦窰細頂並廢

白池縣上東南至景龍二年勅置以地近白池因以為

名

宥州廢在鹽州北一百四十里調露元年於靈夏角界置魯
麗倉塞依契等六州以處突厥降戶時人謂之六胡州長

安四年併為匡長二州神龍三年復置蘭池都督府在鹽
州白池縣北八十里仍分六州各為一縣以隸之開元十
一年康大賔叛亂於此尅定後遷其人于河南江淮請州
二十六年殺其餘黨遂于此置宥州以寬宥為名也後為
寧朔郡領縣三懷德歸仁延恩實應後廢其本未具新宥

州

夏州朔方開元戶六千一百三十二 鄉二十

今為夏州綏銀節度理所

管州四

夏州 綏州 銀州 宥州 新置

縣十二

禹貢雍州之域春秋及戰國時屬魏秦并天下置三十六郡屬上郡漢武帝分置朔方郡後漢建武二十年罷二十七年復置靈帝末羌胡亂塞下皆空至晉末赫連勃勃於今州理僭稱大夏勃守屈弓朔方匈奴人父衛辰符堅時為西單于遂有朔方之地辰後為後魏所殺勃殺高平沒單于并其眾自稱大王子朔水之北黑水之南營起都城即今州理是也名曰統萬城至于昌為魏太武所滅置統萬鎮孝文太和十一年改置夏州大業元年以為朔方郡隋末為賊帥梁師都所據貞觀二年討平之改為夏

州置都督府天寶元年改為朔方郡乾元元年復為夏州也

州境東西二百一十五里

八到東南至上都一千五百里

東南至東都一千八百五十里

東南至銀州一百八十里

東南至延州四百里

東南至鹽州三百里

東南至豐州七百里

貢賦開元賦貢麻布醴芭霜薺

管縣四

朔方 德靜 寧朔 長澤

朔方縣郭上本漢舊縣今縣理北什貢故城是漢末荒廢

後魏更置巖錄縣隋因之貞觀二年改為朔方縣
契吳山在縣北七十里十六國春秋曰赫連勃：北遊契
吳歡曰美哉臨廣澤而帶清流我行地多矣自馬嶺以北
大河以南未之有也

無定河一名朔水一名奢延水源出縣南百步赫連勃：
於此水之北黑水之南改築大城名統萬城今按州南無
奢延水唯無定河即奢延水也古今異名耳烏水出縣黑
潤東注奢延水本名黑水避周太祖諱改名烏水初統萬
城成勃：下書曰今都城已建宜立美名朕方統一天下
君臨萬國宜以統萬為名其城土色白而牢固有九敵峻

險非力可攻酈道元云統萬城蒸土加功雉堞雖久崇墉
若斯

什竇故城在縣理北即漢朔方縣之故城也詩所謂王命
南仲城彼朔方是也漢武帝元朔二年世牧河南地置朔方
五原郡使校尉蘓建築朔方公孫弘數諫以為罷敝中國
以奉無用之地願罷之上使朱買臣難弘發十策弘不得
一由是卒城之亦謂此也自漢至今常為關中根植什竇
之號蓋著語也城西南有二鹽池大而青白青者名曰青鹽
一名戎鹽入葉分也故白城一名契吳城在縣北一百二
十五里契吳山赫連中因山所築勃勃嘗所嘆美故其

子昌因立此城以立勃勃之廟

勃：墓在縣西二十五里隋置白城鎮後廢

德靜縣中下至州八十里西南蓋漢朔方縣地周武帝於此置彌渾

戎南有彌渾水因名隋改為德靜鎮尋廢鎮為縣皇朝因

之

無定河自朔方縣界流入

秦長城在縣西二里

寧朔縣中下西北至本漢朔方地周於此置寧朔縣屬

化政郡自隋罷郡以縣屬夏州皇朝因之

賀蘭山在縣東北三十里

秦長城在縣北十里

長澤縣中下東北至本漢三封縣地屬朔方郡今縣北

二十里三封故城是也後魏於此置長澤縣屬闡熙郡隋

罷郡以縣屬夏州皇朝因之

闡熙故城在今縣西南二十里

百井戎在縣南八十里勃：與禿髮禰檀戰處

胡洛鹽池在縣五百里周迴三十里亦謂之獨樂池聲相

近也漢有鹽官

綏州上郡開元戶八千七百十五

禹貢雍州之域春秋時其地為白狄所居七國時屬魏史

鄉二十八
鄉一十二

記曰魏有西河上郡秦并天下始皇置三十六郡為上郡
漢高帝元年項羽立董翳為翟王後廢復為上郡漢武帝
徵六郡良家子為羽林郎上郡即其一也按秦上郡城在
今州理東南五十里上郡故城是也自後漢末已來荒廢
年久俗是稽胡及赫連勃都于統萬上郡之地又為赫
連部落所居後魏明帝神龜元年東夏州刺史張邵于此
置上郡廢帝元年於郡內分置綏州隋煬帝又改為上郡
後又改為雕陰郡以雕山在西南故名隋亂陷賊武德二
年百姓歸化遂于延州豐林縣置綏州總管貞觀二年討
平梁師都廢府移州于今理

州境東西南北
八到西南至上都一千四百里
東南至東都一千四百里
東至石州二百七十里
西至夏州三百六十里
西南至延州三百三十里
西北至銀州一百六十里
東北至太原五百九十里

貢賦開元

賦貢
麻布

管縣五

龍泉 延福 綏德 城平 大斌

龍泉縣中下本秦膚施縣地二漢同後魏於此置上縣取
郡為名開皇三年上縣屬綏州大業二年改綏州為上郡

又改為雕陰郡上縣咸屬焉皇朝因而不改天寶元年改為龍泉

疏屬山亦名雕陰山即山海經云二負之臣曰危與二負然冥篋帝乃括之疏屬山即此也

無定河一名奢延水白銀川撫寧縣界流入

州城貞觀元年築實中四面石崖東面高八十尺西面高百四十尺南面高四十尺北面高百二十尺周迴四里二

百步

上郡故城在縣東南五十里始皇使太子扶蘇監蒙恬於上郡即此處

吳兒城在縣西北四十里初赫連勃勃破劉裕子義真于長安遂虜其人築此城以居之號吳兒城

延福縣中下西至州本秦膚施縣地後魏置延陵縣理

延陵村隋文帝改為延福皇朝因之

綏德縣中下北至本秦上郡之地二漢不改魏省上郡

後魏文帝分上郡南界立尼合置綏德縣隋不改皇朝因之武德二年移于吐延水北即今理是也

城平縣中下東北本秦膚施縣二漢不改後魏孝明帝

于今縣理西三十里庫仁川置城中縣隋改為城平縣自庫仁川移于今理屬上郡皇朝因之

大斌縣中下東至州本秦虜施縣之地後魏孝明帝神

龜元年於今縣東五里置大斌縣屬上郡周隋不改武德

七年於今城平縣界魏平故城改置因隋舊名大斌者取

稽胡懷化文武襟半之義

銀州銀川開元元六年一千一百二十 鄉十九

禹貢雍州之域春秋時屬狄地秦并天下始皇分三十六

郡屬上郡漢為河西郡國陰縣之地晉十六國時為戎狄

所屬符秦建元二年自驪馬城巡撫戎狄其城即今州理城

是也周武帝保定二年分置銀州因谷為名舊有人牧驪

馬于此谷虜語驪馬為乞銀大業二年廢銀州縣屬雕陰

郡隋末陷于寇賊貞觀二年梁師都于此重置銀州天

寶元年為銀州郡乾元二年復為銀州

州境東二百七十一里

八到西南至上都一千六百里

東至石州界黃河一百六十里

西至夏州一百八十里

東南至延州一百六十里

貢賦開元賦女織布 粟

管縣四

儒林 真鄉 開光 撫寧

儒林縣中下本漢國陰縣地以其在國水之陰故名開皇

三年於此置儒林縣屬銀州大業二年廢銀州以縣屬雕陰郡貞觀二年重置銀州縣又屬焉

無定河自夏州界流入

真鄉縣中下西至漢國陰縣地周武帝保定二年置今

縣屬銀州皇朝因之

茹蘆水源出縣理西北

開光縣中下西南漢國陰縣地周武帝保定二年於今

縣理置開光郡宣帝大象二年廢郡置開光縣屬撫寧郡

開皇三年罷郡以縣屬銀州皇朝因之

撫寧縣中下北至本漢國陰縣地魏廢帝于縣東撫寧

故城置撫寧縣屬撫寧郡開皇三年廢郡以縣移于今理

屬銀州皇朝因之

無定河在縣北二十里

廢宥所在鹽州東北三百里開元十六年置寶應已後廢

事本末具新宥州

新宥州在夏州西北三百二十里在廢宥州東北三百里

百里西南至靈州六百五十里北去天德軍六百

里東北中受降城五百六十里南去鹽州六百里

本在鹽州北三百里初調露元年於靈州南界置魯鹿居

寒依氣契等六州以處突厥降戶時人謂之六胡州長安四年併為匡長二州神龍三年復置蘭池都督府在鹽州白

池縣北八十里仍分六州各為一縣以隸之開元十一年
康待賓叛亂克定後遷其人于河南江淮諸州二十六年
還其餘黨遂于此置宥州以寬宥為名也後為寧朔郡領
縣三懷德延恩歸仁天寶中宥州寄理經略軍寶應已後
因循遂廢由是昆夷黨項屢來寇擾元和八年冬回鶻南
過磧取柳城谷路討吐蕃西城防禦使周懷義表至朝廷
大恐以為回鶻聲言討吐蕃意是為寇唯中書侍郎平
章事李吉甫以為回鶻入寇且當斷絕和事不應便來犯邊
今之多士居平則橫生異議深沮邊計又聞邊警之承虛
聲以誣朝廷異國終危搖動時事但當設備不足為慮因

請自夏州至天德軍復置廢館一十一所以通急驛又請
夏州騎士五百人營于經略故城應援驛使兼護党項部
落上悉從之又上言曰國家舊置六胡州在靈州界內開
元中廢六州置宥州以領諸降戶天寶末宥州寄理于經
略軍蓋以謂居中可以總統蕃部北接天德南據夏州今
經略軍遠礙靈武通路華越又不置軍鎮非舊制也請置
宥州理經略軍至九年五月詔復于經略軍城置宥州乃
為上州於州郭下置延恩縣為上縣改隸夏綏銀觀察使
取廊城神策行營兵馬使鄭果下兵士并家九千人以實
經略軍又置州之日版築之下掘得釜二百五十四口悉

堪烹飪識者以為暗命前賢之規摹亦足以彰元化之所
感也其釜並散給諸營以資軍用又頃年每有回鶻消息
當須經太原取驛路至關下又奏報到已失事宜今自新
宥州北至天德置新館十一所從天德取夏州乘傳奏事
四日餘便至京師
單于大都護府今為振武節度理所

管州二

麟州 勝州

縣六

東受降城在朔州北三百五十里本漢定襄郡之盛樂縣

也後魏都盛樂亦謂此城武德四年平突厥于此置雲州
貞觀二十年改為雲州都督府麟德二年改為單于大都
護府垂拱二年改為鎮守使聖歷元年改置安化都護開
元七年隸為東受降城八年復置單于大都護府

州境東北

八到東南取太原路至上都一千九百二十里

東南至東都一千七百里
東南至朔州三百五十里
西南至成都一百二十里
北至黑沙磧口七百里

管縣一

金河

金河縣中下天寶四年於城內置其振武軍景龍二年張仁愿於今東受降城置天寶四年節度使王忠嗣移于此金河即後魏什翼犍所都盛樂之地道武遷都平城即今雲州所理是也

麟州新秦天寶戶元和戶

禹貢雍州之域秦漢為雲中郡隋開皇二十年置榆林縣改為勝州天寶元年王忠嗣奏割勝州連谷銀城兩縣置

麟州

州境東西南北

八到西南至上都一千四百六十里東南至東都一千五百一十里

東至嵐州一百八十里

東至嵐州界黃河一百二十里河土上有合水關

東北至勝州四百里

西南至銀州三百里

貢賦

管縣三

新秦 連谷 銀城

新秦縣中下初漢武帝徙貧人于關中以西及朔方以南謂之新秦天寶元年置以為縣取漢舊名也

連谷縣中下南至本漢固陰縣地屬西河郡在今銀州

濡林縣界隋文帝於此置連谷鎮煬帝改為連谷城大業十三年廢成貞觀八年於廢成置連谷縣屬勝州天寶元

年割屬麟州

連谷鎮縣理城中貞觀八年置

銀城縣州中下北至本漢固陰縣地屬西河郡漢末大亂

匈奴侵邊雲中西河之間其地遂空訖于魏晉不立郡縣

後魏時置石城縣廢帝改為銀城閏武帝保定二年移于

廢石龜鎮城即今縣理是也貞觀因之屬勝州天寶元年

屬麟州

勝州榆林開元戶四千九十五 鄉十三

禹貢雍州之域春秋為戎狄地戰國時為晉趙地地理志

云雲中立五原存戎狄地趙有之始皇分三十六郡為雲

中郡漢因之不改按漢雲中在今州理東地四十里榆林

縣界雲中故城是地漢末大亂匈奴侵邊其城遂空晉末

赫連氏赫連勃稱夏都于統万按統万城後魏大武

平赫連昌之後託於周代徙置鎮不立縣郡隋文開皇

三年此置榆林縣七年又置榆林縣屬雲州二十年割雲州

之榆林富昌金河三縣置勝州立嘉名也煬帝大業五

年以勝州為榆林郡領榆林富昌金河三縣十五縣郡人

郭子和以城入突厥武德四年郭子和歸國其地又陷梁

師都貞觀二年平師都三年仍隋舊理置勝州時紫紹到

蘭破滅匈奴奪得河南之地因置州以決勝為名

州境東西南北

八到東南至東都一千九百四十里

西南至麟州九百里

西至銀州七百里

南至豐州七百里

貢賦 問元賦 麻布 麻粟

管縣二

榆林 河濱

榆林縣中下本漢沙南縣地屬雲中郡漢末北虜後擾歷魏晉及周此地皆無縣邑隋開皇七年置榆林縣地北近榆林即漢之榆溪塞因名屬雲州二十年改為勝州皇朝因之

黃河西南自夏州朔方界流入

又有大葭蘆水縣西二百二十里

小葭蘆水縣西二百四十里其間地甚良沃

平河水首受黃河隋文帝問之以通屯倉

金河泊在縣東北二十里周迴十里

雲中故城在縣東北四十里趙雲中城秦雲中郡

趙武靈王北破林胡樓煩所置秦因之

隋榆林宮在州城內煬帝大業二年置因榆林郡為名其

煬帝北巡陳兵塞表以威北狄因幸此宮突厥啟人可汗

獻馬及兵器新帳因賦詩云

榆林關在縣東三十里東北臨河秦却匈奴之處開皇三年於此置城置榆林關

河濱縣 中下本漢沙南縣地屬雲中郡訖于魏晉此地不立縣邑至後魏及周復銀城縣地隋時復為榆林縣地貞觀三年於此置河濱縣東臨河岸因以為名改雲州為威

州立嘉名也八年廢威州以縣屬勝州

黃河在縣東一十五步闊一里不通船楫即河濱關渡河處名君子津

河濱關在縣東北貞觀七年置

豐州 九魚下府

今置都防禦使管 天德軍 西受降城 中受

降城

共都防禦使及天德軍使理在西城今移理舊天德軍

城 開元戶一千九百 元和戶 鄉五

禹貢雍州之域秦上郡之北境秦末沒胡武帝元朔二年使衛青逐去匈奴開置朔方領縣十里在三封在今豐州西一百里後漢因之靈帝末羌胡擾亂城邑皆空永嘉後匈奴衛辰父子新居其地辰子赫連勃勃自稱大單于統萬城也屬勃後魏大武擒滅赫連昌置統萬鎮孝文改置夏州其地又為夏州之北境周武帝于今永豐縣置永

豐鎮隋文帝開皇三年於鎮置豐州後廢貞觀四年突厥
降附於此置大權於此置州都督府不領縣唯領蕃戶以
史大柰為都督十一年大柰死復廢府以地屬靈州二十
一年又分置豐州永徽九年於州復重置永豐縣四年於
郭下又置九原縣麟德元年又置豐安縣天寶元年改為
九原郡乾元元年復為豐州

州境

入到
南至上都一千八百里
南至東都一千二百九十里
東至勝州五百三十里
西南至靈州九百里
東南至夏州七百五十里
西北至河西城八十里

貢賦開元

管縣二

九原 永豐

九原縣中下本漢之畜收舊地中郎部都尉所理其九原

縣永徽四年重置其城周隋間俗謂之甘草城

永豐縣中下州西本漢臨戎舊地後漢末廢北人又謂

之賀晉其城周武保定三年於此置永豐鎮開皇五年

廢鎮置永豐縣武德六年省永徽九年復置

廢豐安縣在縣東南四十里開皇六年於縣置豐安鎮麟

德元年改為豐安縣天寶末廢

天德軍舊理在西受降城權置軍馬于本安北都護貞觀
二十一年於今西受降城東北四十里置燕然都護以瀚
海寺六都督是蘭寺七川並隸焉龍朔三年移于磧北回
紇本部仍改名瀚海都護總章二年又改名安北都護尋移
于甘州東北一千一十八里隋改大同城鎮垂拱元年置
同城鎮其都護權移理刪丹縣西南九十九里西安城景
龍二年又移理西受降城開元十年又移理中受降城天
寶八年復齊帥又於可敦城置橫塞軍又自中受降城移
理橫塞軍十二年安思順奏廢橫塞軍請于大同川西築
城置軍元宗賜名曰大安軍十四年築城功軍移大安軍

理焉乾元後改為天德軍緣居人枝少遂西南移三里權
居永清柵其理所又移在西受降城自後頻為河水所侵
至元和八年春黃河之溢城南面毀壞轉都防禦使周懷
義請上表修築約當錢二十一萬貫中書侍郎平章事李
吉甫密陳便宜以西戎費用至廣又難施功請修天德舊
城以安軍鎮其大略曰伏以西城是開元十年張說所築
今河水來侵以毀其半臣量其事勢不堪重脩若別作新
城所費殊廣計其人功糧食及改屋宇比改事畢不下三
十萬貫錢此但計費猶未知出入之處城南西即為水所
壞其于城猶聖宇量留一千人足得住居天德軍士合抽

居舊城豈可更居版築虛棄錢物若三城是國家盛制仁
愿舊規亦須得天德添兵然後有人脩築按天德舊城在西
城正東微南一百八十里其處見有两城今之永清柵即
隋氏大同城舊理去本城約三里已下城甚窄小今隋事
宜置仍存天德軍額北城周迴一十二丈高四丈下濶一
丈七尺天寶十二年安思順所置其城居大同川中當
北戎大路南接牟那山南又是麥泊其地良沃遠近不如
天寶中安思順郭子儀守本築此城擬為朔方根本其意
以中城東城連振武為左翼又以西城豐州連定遠為右
臂南制黨項北制匈奴左右鈎帶居中處安誠長久之規

也尋屬祿山有事子儀留老弱于此城身率大衆河北討
賊為賊將朱星之所破縱火焚燒遂移天德軍永清柵別
置理所于西城只緣添兵未得且因循併在一處力所不
足實非遠圖臣久訪略已計科約修此城不過二萬貫錢
今若干天德舊城隨事增飭回有移換仍取城隸于天德
軍別置使名自為雄鎮以聲勢可警殊隣詔從之於是復
移天德軍理所於舊城焉先是緣邊居人常苦室韋黨項
之所侵掠受竄山谷不知所從及新城施功之日遂有三
萬移家移止城內初議者又慮城大無人以實及是遠近
奔奏邊軍益壯人心遂安沃野故城在軍城北六十里即

是後魏時六鎮從西第一鎮也

州境東西

八到西取字遠鎮故落盤池經夏州至上都一千八百里

西至西精塞軍城二百八十里

西至西受降城一百八十里

東受降城今漢雲中郡地在榆林縣東北八里今屬振武

節度

八到城南至上都一千八百六十八里

東至東都取字一路一千八百二十里

東至東都取字府一百二十里

武川城今名里城後魏六鎮從西第三鎮在軍北三百里

自北出石門障即光祿城石一匈奴大路

光祿城東北有懷朔石城其城即後魏六鎮從西第二鎮

在今中城界向北化柵側近也

中受降城本漢九原郡地漢武帝元朔二年更名五原開

元十年於此城置安北大都護府後又移徙事其天德軍

敬本古城在中城北四十里鄭虔軍錄曰時人以張仁愿

河外築三城自古未有今敬本城周一萬八百七十二步

壕塹深峻亦古之堅守貫耽古今述曰以地理求之前代

九原郡城也

城南至上郡一千八百六十里

東南至東郡取中路二千一百二十里

東至中受降城三百里

西至天德軍二百里

南至麟州四百里

北至磧口五百里

西受降城和舊天德軍理于此城元在豐州西北八十里蓋

漢州方郡地臨河縣故里處開元初為河水所壞至開元

十年總管張說於故城東別置新城今城一本云西南隅

又為河水所壞本具天德軍

城南至上郡一千八百八十里

東南至東郡取單于路二百五十里

正東至天德軍一百八十里

東南至豐州八十里

西南至定遠城七百里

北至磧口三百里磧口西至回鶻衙帳一千單五里

右三受降城景雲三年張仁愿所置也初突厥入寇朔方

軍總管沙吒忠義為賊所敗詔仁愿代之先是朔方軍北

與突厥以河為界河北岸有拂雲堆神祠突厥將入寇必

先詣祠祭酌求福因牧馬料兵而後渡河時突厥默啜盡

眾西擊突騎施婆葛仁愿奏請棄唐突取漢南之地於河

北築三受降城首尾相應絕其南寇之路太子少師唐休

璟以為西漢以來皆北守黃河今於寇境築城恐勞人費

功終為賊所有仁愿固請不已中宗竟從之仁愿表當年

滿鎮兵以助其功時咸陽兵二百餘人逃歸仁愿擒獲盡

斬之軍中股慄六旬而三城俱就以拂雲祠為中城與東

西兩城相去各四百里餘遙相應接北拓三百餘里於牛頭山那山北置烽堠一千八百所自是突厥不得度山放牧朔方無復寇掠減鎮兵數萬人初三城不置墾門及曲敵戰具或問曰邊城禦賊之所不為守備何也仁愿曰寇若至此當併力出戰迴顧望城猶須斬之何用守備生具退思之心其後常元楷為總管始築墾門議者劣之

元和郡縣志卷四終

元和郡縣志卷第五

河南道一

河南府

開元戶一十二萬七千四百四十九
元和戶一萬八千七百五十九

御二百

禹貢豫州之域在天地之中故三代皆為郡邑陽翟夏城禹都也偃師西亳湯都也周成王定鼎於郊鄆使召公先相亳乃卜澗水東纏水西是為東都今苑內故王城是也又卜纏水東召公往營之是為成周今河南府東故洛城是也至赧王獻地於秦莊襄王莊襄立為三川郡三川伊洛河也漢改為河南郡後漢光武建武元年入洛陽遂定都焉及董卓逼遷獻帝西都長安盡燒洛陽宮廟後又都焉魏文

帝受禪亦都洛陽陳留王以司隸校尉所掌置司州領河南河東河內弘農平陽五郡晉武受禪司州不改永嘉初劉曜叛亂司州沒胡後又沒于石勒東晉穆帝永和元年桓溫入洛陽置河南郡宗武北平閔洛復置司州後魏孝文太和十七年六宮文武盡遷洛陽改為河南尹至周宣帝移相州六府於洛州以為東京隋文帝改六府為六尚書省又置河南道行臺省仁壽四年煬帝詔楊素營東京大業元年新都成遂徙居今洛陽宮是也其宮北據邙山南直尹闕之口洛水貫都有河漢之象東去故城一十八里初煬帝嘗登邙山觀伊闕顧曰此非龍門耶自古何因

不建都于此僕射蘇威對曰自古非不知以俟陛下帝大悅遂議都焉其宮臺殿皆宇文愷創也愷巧思絕倫因此製造頗窮奢麗前代都邑莫之比焉又改洛州為豫州罷牧三年罷州為河南郡置尹四年改東京為東都十四年復置洛州隋亂王充僭號稱鄭改為司州武德四年討平克復為洛州仍置總管府其冬罷府置陝東道大行臺太宗為大行臺尚書令九年罷臺置洛州都督府貞觀十八年廢府顯慶二年置東都則天改為神都神龍元年復為東都開元元年改洛州為河南府天寶元年改東都為東京至德元年復為東都

府境東西六百二十一里

八到

東至鄭州二百八十里
西至上都八百五十里
南至懷州一百五十里
北至陳州三百五十里
東至汝州一百七十里
西至洛州一百七十里
東南至許州九十里
從縣至許州九十里

貢賦開元 貢 綾絹 白瓷器

管縣二十六 洛陽 河南 偃師 緱氏 鞏縣

伊闕 密縣 王屋 長水 伊陽 河陰

陽雅 潁陽 告成 登封 福昌 壽安

澠池 永寧 新安 陸渾 河陽 温縣

濟源 河清 沁水 河陽等五縣今權

洛陽縣本秦舊縣歷代相同貞觀六年自金墉城移入

郭內毓德坊今理是也神龍初改為永昌尋復舊號故洛

陽城在縣東二十里按華延偶云洛陽城東西七里南北

九里洛陽城內宮殿臺觀府藏寺舍九有一萬一千二百一

十九門自劉曜入洛元帝渡江官署里閭鞠為茂草後魏

孝文太和十七年幸洛陽巡故宮遂咏來離之詩為之流

涕觀石經仍定遷都而經始洛京十九年九月新都始立

於是六宮文武盡遷洛陽

洛水在縣西南三里西自施內上陽之南瀰漫東流宇文

愷斜堤束今東北合流當水衝埵堰九所形如偃月謂之月坡今雖漸壞尚有存者

河南縣赤本漢舊縣後魏靜帝改為宜遼縣周宣帝復為河南隋仁壽四年遷鄆移縣於東都城內寬改坊即今縣是也永昌元年以明堂初成改為合宮縣神龍初復舊二年復為合宮景雲初復舊

洛水在縣北四里伊水在縣東南十八里

澶水在縣西北六十里禹貢曰伊洛澶澗既入于河孔安國注曰出河南北山水經云源出河南穀城縣北今驗水西從新安縣東入縣界

天津橋在縣北四里隋煬帝大業元年初造此橋以架洛水用大舟維舟皆以鐵鎖鉤連之南北夾路對起四樓其樓為日月表勝之象然洛水溢浮橋輒壞貞觀十四年更令石上累方石為脚工爾雅斗牛之間為天津故取名焉

中橋咸通三年造累石為脚如天津橋之制

通津渠在縣南三里隋大業元年分洛水西北名千步磧渠東北流入洛水謂之洛

偃師縣西南至府本漢舊縣帝嘗及湯盤庚並都之商有

二亳成湯居西亳即此是也至盤庚又自河北徙理於亳

商家後此而改號曰殷武王伐紂於此築城息偃我師因以名焉天寶七年四月河南尹韋濟秦於偃師縣東山下開驛路通孝義廢北坡蓋堂路焉

北邙山在縣北二里西自洛陽縣界東入鞏縣界舊說云北邙山是隴山之尾乃衆山總名連嶺脩亘四百餘里

首陽山在縣西北二十五里

盟津在縣西北三十一里

緱氏山西北至府本縣古滑國也左傳曰秦師滅滑其後屬晉至秦漢為縣因山為名大業十年移據公路澗西甗岸為城即今縣是也

緱氏山在縣東南二十九里王子晉得仙處

轘轅山在縣東南四十六里左傳纆盈過周王使候出諸

轘轅注曰緱氏縣東南有轘轅關道路險隘比十二曲將

去復還故曰轘轅後漢河南尹何進所置八關此其一也

鄂嶺坂在縣東南五十七里晉八王故事曰范陽王保于

鄂坂後於其上置關

洛水自西洛陽縣界流入

曹城在縣東一里曹操與袁術相拒築城於此

袁術固一名袁公塢在縣西南十五里宋武北征記曰少

室山西有袁紹固可容十萬衆一夫守溢萬人莫當

公路壘在縣南三里袁術與曹公相拒處

鈞鎖故壘在縣東北七里宋書司馬休之從宗公西征營

于相名塢相名西即此壘相連如鎖因以為名

鞏縣西至府百古鞏伯之國也春秋晉師克鞏戰國時韓

獻於秦至漢以為縣屬河南郡大業十三年李密自潁州

率群盜十餘萬襲破洛口倉因據鞏縣仍築城斷洛川包

南北山週迴三十餘里屯營其中後為王元所破縣本與

成臯中分洛水西則鞏東則成臯後魏并焉按爾雅鞏同

也四面有山河之固因以為名

天陵山在縣東南六十里

黃河西自偃師縣界流入河於此有五杜杜波又有五杜杜津

後漢朱鮪遣賈強從五杜津杜津渡是也

洛水東經洛汭北對即邪渚入河謂之洛口亦名什谷張

儀說秦王下兵三川塞什谷之口即此也

伊闕縣北至府七十里古戍變於國漢為新城縣屬河南郡周武

帝時屬伊川郡開皇十八年罷郡改為伊闕縣

伊闕山在縣北四十五里兩山相對望之若闕伊水流其

間故名

陸渾山俗名方山在縣西五十五里

伊水西自陸渾縣界流入左傳秦晉遷陸渾之戎于伊川

伊闕故關在縣北四十五里何進八關之一

荅縣西南至府一百十里今漢舊縣故密國也春秋諸侯伐鄭圍新

密漢屬河南郡隋大業二年廢十二年又置武德三年於

此置密州四年廢州以縣屬鄭州龍朔二年割屬河南府

爾雅曰山如堂者曰密因以為名

大騮山在縣東南五十里具茨山黃帝見大隗于具茨

之山故亦謂之大騮山漢水源出於此

馬嶺山在縣南十五里洧水所出

王屋縣東南至府一百里本周時召康公之采邑漢為垣縣地後

魏獻文帝分垣縣置長年縣周明帝改為王屋縣因出為

名仍於縣置王屋郡太和元年又為西懷州開皇三年改

為郡州大業三年廢郡州以縣屬懷州明慶二年割屬河

南府

齊子嶺在縣東十二里即宇文周與高齊分據境之處也

黃河在縣南五十里

王屋山在縣北十五里週迴一百三十里高三十里高負

底柱析城至王屋是也

析城山在縣西北六十里峯四面其形如城有南門焉故

曰析城

長水縣東至府一百三十里本漢盧氏縣地後縣晉宋不改後魏宣

武帝分盧氏東境置南陝縣屬弘農郡西魏廢帝改為長洲

義寧元年以犯高祖廟諱改為長水貞觀八年自魏州

割高穀州顯明慶二年屬河南府穀州今新安縣所理是也

伊陽縣北至府二百里本陸渾縣南界之地先天元年割置伊

陽縣

伊水路在縣西南出鸞亭山東流水經云出南陽魯縣蔓

葉山東北過陸渾縣南又東北過伊關中又魯北入於洛

多雨濕漲諸峽水之處其高六七八丈故伊關石壁有

石銘云黃初四年六月二十四日辛巳大水出高四丈五

尺

銀鈔窟在縣南五里今每歲稅銀一千兩

河陰縣西南至洛二百里本漢滎陽縣地開元二十二年以地

當汴河口汴水分泥水滎澤武澤三縣地于輸場東置以使運

漕即侍中裴耀卿所立初耀卿為宣州刺史開元十八年

因朝集上便宜曰竊見江淮諸州所送租庸等本州正月

二月上道至揚州入斗門即逆水淺停留一月已上四月

已後始度淮入汴多屬乾淺又般運停留至六月七月方

至河口即過黃河漲溢不得入河又須停一兩月待河水

較小始得上河入洛謂又漕洛乾淺船艘不通計從江南

至東都停滯日多待行日少艱辛欠折因此而生伏見國

家舊法河口元置武牢倉江南船不入黃河即於倉內便貯也鞏縣置洛口倉從黃河不入洛洛即於倉內安置爰及河陽倉柏岵倉太原倉永豐倉渭南倉節級取便例皆如此水通利則隨近運轉不通則且納在倉不滯遠船不生隱盜每年剩得一二百萬石即數年之外倉廩轉加至二十二年以耀卿為相兼轉運都使於是遂分置河陰縣及河陰倉河清縣置柏岵倉三門東置集津倉三門西置鹽倉三門北鑿山十八里陸行以避湍險自江淮來者悉納河陰倉自河陰候水調浮漕送倉嘉倉又取曉習河水者遞送太原倉浮渭以實關中凡三年運七百萬石

省脚三十萬貫及耀卿罷相後緣北路險澁頗為陰欺議者言其不便事又停

汴渠在縣南二百五十步亦名葭蕩渠禹塞滎澤開渠以通淮泗後漢初河汴決壞明帝永平中命王景修築渠堤十里三一水門今更相注泗無復潰漏之患自宋武北征之後復皆堙塞煬帝大業元年更令開導名通濟渠自洛陽西苑引穀洛水達于河自板渚引河入汴口又從大梁之東引汴水入于泗達於淮自江都宮入于海亦謂之御河河畔築御道樹之以柳煬帝巡幸乘龍舟而往江都自揚益湘南至交廣閩中寺州公家運漕私行商旅舳舻相

繼隋氏作之雖勞後代實受其利焉

汴口堰在縣西二十里又名梁公堰隋文開皇七年使梁

虜增築漢古堰過河入汴也

三皇山亦曰敷高山上有三城即劉項相持處春秋左氏

傳曰晉師在敖劬之間亦此也

陽翟縣西北至府二百里秦夏禹所都春秋時鄭之櫟邑韓自

宜陽移都於此秦為潁川郡楚漢之際韓公之戍為韓王

項羽殺成立節昌漢元年又誅昌立橫野君信六年徙信

太原公復置潁川郡領縣二十理陽翟潁川屬縣後魏復

置陽翟郡開皇十六年廢郡置高州以縣屬焉大業三年

隸襄城郡武德中又隸嵩州貞觀元年廢入許州建都魏

改屬河南府

鈞臺在縣南十五里左氏傳曰夏啓有鈞臺之饗也

潁陽縣西北至府九十里古綸氏縣秦夏之綸國也少康之邑在

漢屬潁川晉省後魏太和中於綸氏縣城置潁陽縣屬河

南丹又分潁陽置瑤陽縣開皇六年改瑤陽為武林十八

年又改為綸氏大業元年改為嵩陽載初元年又改為武

林開元十五年又改為潁陽

大石山一名萬安山在縣西北四十五里

倚箬山望之如立箬山西北崖下有鐘乳隋時充貢

陽乾山在縣東二十五里潁水一源出陽乾山

大谷口在縣西北三十五里孫堅傳兵大谷距洛陽九十里即此谷

大谷故關在縣西北四十五里何進八關之一也

告成縣西北至府一本漢陽城縣屬潁川郡因陽城山為

名後魏置陽城郡屬司州開皇三年廢郡以縣屬洛州十

六年於此置嵩山仁壽四年省嵩山以縣屬河南郡萬歲

登封元年則天因封中嵩改名告成

許田山在縣十三里

嵩高山在縣西北二十三里

少室山在縣西北五十里

陽城山在縣東北三十八里

鬼谷在縣北五里即六國時鬼谷先生所居也

測景臺在縣城內西北隅高一丈開元十年詔太史監南宮室立石表焉

登封縣西北至府一本漢嵩高縣武帝封元年置以奉

太室後省入陽城累代因之高宗將有事於中岳分陽城

緱氏置嵩城縣萬歲登封元年則天因封岳改為登封

嵩高山在縣北八里亦名方外山又云東曰太室西曰少

室嵩高總名即中岳也山高二十里周迴一百三十里

少室山在縣西十里高十六里周迴三十里潁水源出焉

潁水有三源右水出陽乾山之類谷中水導源少室左右水出少室南溪東合潁水

開母祠縣東北七里漢書武帝祀中岳見夏啟母石是也應劭云啟生而母化為石淮南子亦同嵩山記陽翟婦人

今龕中鑿石像其名漢安帝延光三年立

福昌縣東至府一古宜陽地春秋時屬晉七國時屬韓漢

以為縣屬弘農郡後漢建武三年馮異破赤眉於嶧底餘

衆走向宜陽帝自征之赤眉君臣面縛即此地也義寧三

年北置宜陽郡武德元年改為穀州改宜陽縣為福昌縣

取縣西隋宮為名明顯度二年廢穀州以縣屬河南府今縣

城即魏一金鳩城東南北三面天險峭絕後周置重兵於

此以脩高齊

女兒山在縣西南三十四里

壽安縣東北至府七十六里本漢宜陽縣地後魏分新安置甘掌縣

隋開皇三年以縣屬熊州十六年改為穀州仁壽四年改

名壽安縣貞觀七年改屬河南府

石里山在縣西南三里山石如墨可以書

洛水西自福昌縣界流入

少水今名慈澗水出縣北

八關故城在縣東北三十里後漢靈帝中平元年以河南

尹何進為大將軍將五營七屯都亭置函谷大城伊闕大谷轅轅旋門平津孟津等八關都尉官理於此

永濟橋在縣西十七里煬帝大業三年置架洛水隋亂毀廢貞觀八年修造舟為梁長四十丈三尺廣二丈六尺

洹池縣

東至府一百五十里

一本韓地哀侯東徙其地入秦漢以為縣

屬弘農郡隋文帝時屬熊州

今河南府福昌縣是也

十六年改屬穀

州明慶二年廢穀州縣屬河南府

廣陽山亦名洹池山在縣東北五十五里

穀水南去縣二百步東經秦趙二城俗謂之俱利城

東城在縣西十三里

大塢故城在縣北十五里後魏武帝入關使行臺楊騰出

關安撫橋因舊城置大塢鎮

永寧縣

東至府

二百里漢洹池縣之西境後漢晉宋不改後魏文

帝於今縣東西十里置北宜陽縣屬宜陽郡廢帝二年改

為熊耳縣義寧二年置永寧縣屬宜陽郡貞觀元年改屬

河南府

二嶠山又名嶽崮山在縣北二十八里春秋時秦將襲鄭

蹇叔哭送其子曰晉人禦師必于嶠：有二陵其南陵夏

后臯之墓北陵文王之所避風雨必死是間漢建安中曹

公西討巴漢惡其險更于山下路側有石銘曰晉太康三

年弘農太守梁柳修復舊道西征記嶠上不得鳴鼓角則
風雨總至自東嶠至西嶠三十五里東嶠長坂數里峻阜
絕澗車不得方軌西嶠全是石坂十二里險絕不異東嶠
熊耳山在縣東北四十五里後漢世祖破赤眉積甲宜陽
縣城西與北山齊按禹貢道洛自熊耳在商州上洛縣界
與此別也

穀陽山在縣西北五十五里漢書地理志穀水出穀陽山
田谿俗名迴坑在縣東北三十六里馮異與赤眉戰敗於
此壘書勞曰始垂翅於迴溪終奮翼於澠池可謂失之東
隅收之桑榆

新安縣

東至府
七十里

本漢舊縣屬弘農郡晉改屬河南郡後魏

屬新安郡周武帝保定三年省新安郡又於今縣理置中
州建德六年省中州又置新安郡隋開皇六年改置穀州

貞觀元年省中州新安屬河南府

穀水在縣南二里國語曰穀洛闔壤王宮是也縣城本名
通洛城周武帝將東封令陝州總管尉遲綱築此城以臨
齊境

白超故城一名白超壘一名白超塲在縣西北十五里壘
當大道左右有山道從中出漢末黃巾賊起白超築此壘
以自固東魏修築為城因名超城

函谷故關在縣東一里漢武帝元鼎三年為楊僕徙關於新安案秦有函谷關在今陝州靈寶西南十二靈寶縣以其道險隘其形如函故曰函谷項羽坑秦降卒於新安即此地今縣城之東有南北塞垣楊僕所築

慈澗故鎮在縣東南二十里周武帝保定六年置武德三年討王克前軍鎮此太宗以輕騎擊破之克拔鎮歸於東

都

陸渾縣 東北至府一百三十里 一本陸渾戎所居春秋時秦晉遷陸渾

之戎於伊川至漢為陸渾縣屬弘農郡後屬河南尹後魏改為伏流縣大業元年省伏流縣移陸渾縣於今理

三塗山在縣西南五十里左傳曰四嶽三塗陽城大室九

州之險

明臯山在縣東北十五里

伊水在縣西南自虢州盧氏縣界流入

伏流城即今縣理城東魏孝靜帝武定二年所築以城北

焦澗水伏流也下西有伏流坂因以為名

河陽縣 西南至府八十里 自河陽已下至河清等五縣今權隸三

城節度本周司寇蕪忽生之邑後為晉邑在漢為河陽縣

屬河內高齊省入溫軹三縣開皇十六年分溫軹二縣重

置屬懷州武德四年平王克後割屬河南府

南城在縣西四面臨河即孟津之地亦謂之富平津後魏使高永樂守河南以備西魏即此也周隋為官自觀置鎮中渾城東魏孝靜帝元象元年築之仍置河陽關天寶已前邑于其上置閔縣西南十三里古遮馬提堤即後魏爾朱榮殺朝士千三百餘人於此

謹按至德中史思明之來寇也時李光弼已至東都聞思明將至乃移牒留守及河南尹并留司官坊市居人令悉出避寇空其城乃率麾下士馬數萬東守河陽三城拒逆賊黨初謂光弼自洛而西及聞保河陳出東其慮外疑懼久之不敢犯官闕光弼訓練招集威聲大震賊雖入城憚光

弼兵威南不出百里而不越畿內陝州得修戎備關隘無虞皆光弼保河陽之力故自乾元已後常置重兵貞元後加置節度為都城之巨防造浮橋架黃河為之以船為脚竹筴斛且之晉陽秋云杜元愷造河橋於富平津即此是也

船竊出洪州

温縣西南至府一百三十里

本周畿內地司寇燕公之邑春秋周襄王

賜晉文公漢以為縣屬河內郡大業十三年自故温移於

今所皇朝建都割屬河南府

濟源縣南至府一百二十里古軹邑屬魏秦昭王時代魏取軹漢文

帝時封薄昭為軹侯屬河內郡開皇十六年分軹縣置濟

源縣屬懷州以濟水所出因名明慶一年割屬河南府
濟水在縣西北三里平地而出有二源其東源週迴七百
步深不測西源週迴六百八十五步深一丈皆繚之以周
塋濟源出王屋山山海經云王屋之山澗水出焉郭璞注云
聯流水之源尚書禹貢云導流水東流為濟入於河溢為
滎孔安國注云濟水入河並流十數里而南截河又並流
數里溢為滎澤按禹貢導泲水東流為濟入於河溢為滎
東出於陶丘北又東至於荷又東北會於汶又東北入於
海顏師古云泲水而為濟截河內為滎澤陶丘今在曹州
定陶西南荷澤過荷澤又與汶水會北折而東入于海也

按泲水出今王屋縣山東流至濟源縣而名濟水滎澤在
今鄭州滎澤縣定陶今曹州濟陰縣也荷澤在今兗州魚
臺縣汶水出今兗州萊蕪縣然濟水因王莽末旱渠涸不
復截河南過今東平濟南過川北海界中有水流入於海
謂之清河實荷澤汶水合流亦曰濟河蓋因舊名非本濟
水也而水經是和帝已後所撰乃言濟水南過滎澤至於
乘氏等縣一依禹貢舊道斯不詳之甚也酈元又從而注
之尤為紕繆矣
百尺溝在縣北東六里引濟水溉灌仁壽三年置初分功
人穿十丈故名百尺溝

河清縣南至府六十里本漢軹縣地縣西有相補岨故城即東魏將

侯景所築武德初於城東置大基縣八年省咸通四年重

置先天元年以犯元宗廟諱改名河清

汜水縣西南至府一百八十里古東魏國鄭之制邑漢之成臯縣一

名武牢穆天子傳曰天子獵於鄭國有獸在葭中七萃之

士擒之以獻天子命畜之東隅因曰武牢漢楚之際項羽

使海春侯曹咎守之漢王破之咎自殺至宗武帝北平關

洛置司州刺史理武牢魏使奚斤攻宋司州刺史毛德祖

經二十日不寇之城中傷者無血知其汲水潛作地道其穴

猶存開皇十八年改成臯為汜水縣大業十三年陷於王

充武德四年討平充復於縣理置鄭州貞觀七年後鄭

州於滎城以縣屬焉明慶二年改屬河南府垂拱四年改

名廣武縣神龍元年復為汜水開元二十九年自武牢城

移於今理

黃河自鞏縣流入

汜水出縣東南三十二里浮戲山經武牢城東漢破曹咎

於此

成臯故關在縣西南十里即八關之一

汴口去縣五十里今屬河陰

旋門關在縣東南二里

板渚在縣東北三十五里初竇建德衆數十萬自於坂渚
結陣南屬鵲山以臨汜水太宗帥輕騎擊之賊衆大潰建
德竄于牛渚將軍白一讓生獲先是童謠云豆入牛口勢
不得久果敗於此牛口渚與坂渚邈迤相接
等慈寺在縣東七里王師既破建德有詔於戰所起寺立
碑紀功焉令顏師古為其碑文

元和郡縣志卷第五終

